

丹泉海島錄

光緒己非

高心藏



月水樓島錄



光緒戊寅冬鐫
遂昌徐氏家塾



序

宇宙之蹟事物之繁五運代嬗六呂迭行規矩卓爾愚哲蒙如
焯錄一編洙誦千口謙爲豹斑實則狐腋常熟令尹丹泉徐君
和政堂琴厲精路學金拔經飾治佚道弭怨昨以撫字其劬勞筋
韋韋陽子方書歐公集古于炳燭之課奇運璧之勤寂處省會
寤歌永夕舊讀丹刊故事墨瀋流傳耆老帽合典府八珍侈味
五都絢目陳大鏞于東序來楛矢于北庭以七緯貫經腴以三
才析儒奧糜姿鄭重荒忽奇核所見所聞識大識小鴻寶祕枕
繭紙委牀輒復分甘同嗜勾資手民儼端簡之今言倣燕泉之
冬錄海島里者君吳門僑居所也龍宮之藏類發奇采波斯所
獲匪止紅珊含曜自心雋娛獨歷顧茲流惠得非唾餘然閭塗
丹泉海島錄

序

一

投珠而接劍失船得壺而千金言者旨遠聽者神會郢書燕說
庸不旦期暮遇乎不揣稚樸敬導拙獷

光緒己卯孟陬江山劉履芬

丁丑小春余自南沙卸篆回省僑居承天寺西海島里每起居
上臺過從寅好外日肱行笥書而尋繹焉或因以振觸舊聞隨
筆錄之其稍爲綴墨如塗附者摘出編四卷卷分上中下以類
相從意在識小夫錄之爲言借鈔寫字也是弗可以已乎曰茅
塞也鴻鵠之將至也一日間心有所在而塞焉至焉者或寡矣
光緒四年戊寅十一月四日丹泉徐景福自識

丹泉海島錄

自識

分野之說前輩以春秋戰國地每變遷要以九州之分爲正或謂上天垂象祇應中國何也余以天祇一北辰天下祇一帝中國神聖相傳符契乾象爲瑞爲沴昭著神州覃及遐方無或爽也康熙中西洋意大利亞國遣其臣世襲公斯畢叻納及瑪諾薩進貢初未有輪舟逾年始至將至香港而斯畢叻納病故瑪諾薩言彼國恒患大風數年無之且晴雨順時國中善天文者言中國有

聖人在位故貢方物以輸悃誠也其時中外風氣慤厚非解貢諛者瑪諾薩之言質而有至理矣

丹泉海島錄

卷一上

一

康熙己亥元旦日食有

旨停朝賀廷臣以爲日食乃一定之數不足爲災大學士太倉

王公

揆

乃言

皇上借此微惕卽孔子迅雷風烈必變之意大臣仰成君德正在此處於是竟免朝賀

西術以爲赤道極之外有黃道極爲七政恒星右旋之樞自詫爲言厯者所未發戴東原先生震折之曰西人所謂赤極卽周

髀之正北極也黃極卽周髀之北極躔機也虞書在躔機玉衡

以齊七政蓋設躔機以擬黃道極黃極在柱史星東南上彌少

彌之間終古不隨歲差而改赤極居中黃極環繞其外周髀固

已言之不始於西人也又月建所指亦謂黃極夫北極躔機冬

至夜半恒指子春分夜半恒指卯夏至夜半恒指午秋分夜半恒指酉以周髀四游所極推之則月建十有二辰爲黃極夜半所指顯然矣漢代以爲斗杓移辰者非也按東原之折西術語殊明爽其言月建十有二辰爲北極璿機夜半所指夜半是子正初刻若斗杓所指則是戌正初刻北極璿機夜半所指非孰觀星象不得其處斗杓則仰觀卽得其實斗杓之與北極璿機皆終古不隨歲差而改特戌正所指不若據子正所指耳

赤道者取南北兩極適中處分之左旋一周其北抵北極一百八十二度半又二十四分度之三其南抵南極亦一百八十二度半又二十四分度之三黃道爲日月五星所行之道亦謂中道繞赤道內外而行內北也外南也日月五星右旋自西而東丹泉海島錄

卷一上

二

以二十八宿爲次舍舊分十二宮今借用羅鍼二十四宮取黃道所經較爲仰觀易得辰爲壽星之次故自角亢起以其右旋也故自巽而辰

巽宮角兩星在太微垣東南日月五星經兩星中爲中道辰宮亢四星在角東其中爲中道乙宮氐四星在天市垣西其下二尺五寸爲中道卯宮房四星在天市垣西其中爲中道心三星在天市垣門下其上爲中道甲宮尾九星在天市垣下其上一丈爲中道寅宮箕四星其上六尺爲中道日月五星臨箕畢翼軫東壁則風雨守之則久雨動則大風

艮宮南斗六星其中爲中道丑宮牛六星在天河東上抵天津其中爲中道癸宮須女四星在牛東北其下九尺爲中道子宮

虛兩星在女東南其下九尺爲中道危三星在虛東北其下九尺爲中道壬宮室兩星在騰蛇下其下九尺爲中道亥宮東壁兩星其下九尺爲中道

乾宮奎十六星在紫微垣後傳舍下其下九尺爲中道戌宮婁三星亦在傳舍下其下九尺爲中道辛宮胃三星鼎足河次其下五尺爲中道酉宮昴七星在胃東稍南其下五尺爲中道畢八星其义口爲中道庚宮觜三星近參右肩其上爲中道申宮參七星其上爲中道

坤宮井八星橫列河中其中爲中道未宮鬼四星在井東其中爲中道丁宮柳八星在鬼東南其上六尺爲中道午宮星七星在柳東南其上三尺爲中道張六星在軒轅下太微垣西南其丹泉海島錄

卷一上

三

上四尺爲中道丙宮翼二十二星在太微垣南其上十有三尺爲中道巳宮軫四星其上五尺爲中道凡言其上北也其下南也尺則以律尺言也

周公作指南車以導越裳氏之歸後世羅鍼乃其遺製周公時南鍼只分十二宮單用地枝後人加入榦四維爲二十四宮亦本於淮南子然與淮南異者有二一則淮南本以推二十四節氣而後人以爲二十四山向且以二十四字分編五行也一則丑寅之間淮南爲報德之維謂陽氣發於東自陰復陽故曰報德未云艮維也辰巳之間爲常羊之維謂純陽用事不進不退故曰常羊未云巽維也未申之間爲背陽之維謂陽將復陰故曰背陽未云坤維也戌亥之間爲躡通之維謂陰氣閉結陽氣

將萌躡始通之未云乾維也乃易以乾而爲金易以艮而爲土
易以巽而爲木易以坤而爲土一線稍逾而五行移步抑亦惑
之甚矣

光緒元年十一月二十五日戊午未初刻冬至日在箕初度考
之堯典冬至日在虛昏中昴月令冬至日在斗昏中璧月令季
月之中星合堯典仲月之中星所爲歲差也漢唐冬至日仍在
斗至元時東入於箕郭守敬本於實測以天正冬至在子中虛
宿六度太陽東退每百年差一度半上距唐堯約四千餘年歲
差已五十餘度非惟度移宿而又辰移次矣其謂冬至在子中
則不易之言邵康節詩冬至子之半天心無改移蓋宗羲易以
陰陽二始正南北子午之位陰陽二交定東西卯酉之分以一

丹泉海島錄

卷一上

四

陽初動爲天心故至聖贊復爲見天地之心是子中一陽來復
造化樞機萬古有常諸歷以冬至子中其宿或當虛或當危其
度或在虛末或在危初紛無的論授時歷定於虛六度亦僅近
之如西術宮分不係於宿宿度不屬於宮假令太陽一百年前
在寅宮初度一百年後仍在寅宮初度其前百年寅宮初度之
宿箕七度後百年寅宮初度之宿乃箕五度是百年後之寅宮
初度非復百年前之寅宮初度也宮定而宿不定則郭氏以子
中爲虛宿六度者不可爲定論矣唐荆川云歲差以氣化漸瀰
是當前遲而後速則郭氏以百年東退一度半者亦不可以定
差矣是當隨時觀象而修改之順天以求合而不爲合以強天
眞前輩心得之言

舊說十一月斗杓指子子與丑合日月則會於丑於辰爲星紀
自斗十二度至女七度十二月斗杓指丑丑與子合日月則會
於子於辰爲元枵自女八度至危十六度正月至十月皆以此
推乃名地枝六合然日月所會之次卽今時憲書考之與舊不
符歲差之驗也維歲有差而六合之說亦止得一半云

王曉菴先生

錫闡

謂周天宮界歷家所設以步躔離古謂歲有

歲差故宮界常定今謂星有本行故宮界漸移二者似無失得
然新法定以冬至起丑於義何居夫宮界之分堯時冬至日躔
在虛定爲子半四千禩間歷丑至寅安在冬至當起丑初也況
星紀元枵諸次本乎星名今古無異若隨節氣遞遷則鳥喙可
爲元枵虛危可爲鶉首有是理哉故從天周分宮則冬至今當
丹泉海島錄

卷一上

五

在寅卽從節氣分宮則冬至亦當起子若因宋時偶值丑初而
強襲其名則亦進退無據之甚矣

咸豐己未禮闈余於三場後觀於欽天監衙門備瞻儀象機衡
刻漏後堂中間尙供湯若望牌西域人也王曉菴有言古之善
言歷者有二易曰革君子以治歷明時孟子曰苟求其故千歲
之日至可坐而致歷之道主乎革故無數百年不改之歷然不
明其故則無以爲改憲之端太初以來治歷者七十餘家莫不
有所修明當時亦自謂度越前人而行之未久差天已遠往往
廢不復用何也是在創法之人不深推理數而附合於著卦鍾
律以爲奇增損於積年日法以爲定或陰用前法而稍異其名
或偶悟一事而自足其知欲其永久無弊豈可得哉欲知新法

之誠非須核其非之實欲使舊法之無誤宜釐其誤之由然後
天官家言在今可以盡革其弊將來可以益明其故矣舊法之
屈於西學也非法之不若也以甄明法意者之無其人也今西
歷所矜勝者不過數端疇人子弟駭於創聞學士大夫喜其瑰
異互相誇耀以爲古所未有孰知此數端者卽在舊法之中而
非彼所獨得如平氣定氣以步中節也舊法不有分至以授人
時四正以定日躔乎如最高最卑以步朧胸也舊法不有盈縮
遲疾乎又如真會視會以步交食也舊法不有朔望加減食甚
定時乎又如小輪歲輪以步五星也舊法不有平合定合晨夕
伏見疾遲留退乎又如南北地度以步北極之高下東西地度
以步加時之先後舊法不有里差之衡乎舊詳於法而不著其

丹泉海島錄

卷一上

六

理理具法中好學深思者自能力索而得之西人竊取其法豈
能越其範圍就彼所自命創始者事不過如此其大畧可觀矣
按曉菴新法六卷乾隆中采入四庫全書歷家之書論者謂梅
勿菴博大王曉菴精核洵不誣也

言七政者不同尙書大傳曰春夏秋冬天文地理人道所以爲
政也史記及馬季長注尙書皆以爲北斗七星鄭氏以爲日月
五星孔穎達曰五星所行下民不以爲候戴東原則以爲有歲
之政分至啟閉是也有月之政正朔告月是也有木火土金水
五者之政法制禁令宜於時而布其事者是也然東原宜於時
而布其事尙屬籠統之詞竊以舜典七政卽堯典日月星辰星
者四時中星下民以爲候也辰北辰也分言爲七政併中星之

四而言則曰日月星辰堯時曰辰後世以在中國之北謂之北辰若三光謂辰日月會次曰辰水星曰辰皆夏商以後稱名堯之時未有也日月星動者也分度取中無所藉手以北辰之不動者爲之初哉首基若羲和司天抹去北辰不講何所藉以厯家耶

星有合有食有犯合不占食犯乃占日月合朔是合其度也若夫兩星同在經度而緯度去遠是不相犯則謂之合當經緯之交形體合一則謂之食星見月中爲星食日月掩星芒爲月食星也經緯切近光芒相侵則謂之犯食重於犯皆慎占之古占以相去一尺或七寸光芒不侵亦謂犯其五寸內光芒自然相及固當爲犯一尺外若光芒相及者亦謂犯也若彗星光芒掃丹泉海島錄

卷一上

七

大角掃天市則一丈外且爲犯矣犯左占左犯右占右上下如之別其芒所指以知事起之情芒多而短事紛而謀不成芒少而長謀成而事難遽靖天官書曰五星合是爲易行有德受慶無德受殃是合亦占也然受慶受殃判於有德無德朝廷自省不失德雖食犯不占可也

昴七星一簇徑而圍之日輪之大不過如是觜三星一簇徑而圍之月輪之大不過如是仰觀較絜可得之矣然楚辭圖則九重月天爲裏層日天爲第四層恒星天則第八層設同在一層徑而圍之則日輪月輪又小於昴與觜矣西樞日輪大於地球多倍之說竊所未安果大於地球也地上將無晝夜奚以晝則日照地面夜則日照地底也日輪小於地球而常照地一半者

所處高也韓文公月蝕詩曰念此日月者爲天之眼睛然則地爲天之府藏眼睛大於府藏無復人樣矣

西術言五星大於地球有多倍者則地球更小矣又言土星之精常化爲老人下游於地夫星精下降時或有之而一老人之於地上方之滄海一粟尙不啻耳以此大於彼多倍之軀化其神如螭螭而游於彼不及毛孔之境旣已不稱抑何樂歟其說毋乃矛盾

今言者謂天體橢圓頗爲近理夫唯橢圓是以左旋不已草木子曰北極瓜之蒂也南極瓜之攢花處也赤道瓜之腰圍也夫瓜橢圓者也浸假而渾圓焉安必其不右旋且安必其不南旋不北旋耶

丹泉海島錄

卷一上

八

上天之載無聲無臭載始也其義猶權輿訓載爲事事則不能無聲無臭矣傳曰易有太極是生兩儀太極者元氣圓涵陰陽未分由一生二則陽儀天而陰儀地也太極分而生天生地是曰上天之始當是時何聲臭之有哉天地交而五行生五行具而聲臭發言五行聲臭月令備矣然則有聲有臭者五行之事也無聲無臭者上天之始也詩人之言精妙乃爾

陰陽二氣起於黃泉氤氳交結出地爲雲二氣力均則能爲雨或陰氣少而陽氣多或陰氣多而陽氣少皆不能雨小畜不雨陰氣少也小過不雨陽氣少也小畜上九旣雨陽極則陰也雨乘空而墜風多則合速故雨大而疎少則合遲故雨細而密

雷有二種有形雷有氣雷其擊物遇穢不能卽上獸頭鳥喙肉

翔鱗身其所遺有楔有斧有墨有磬形雷也若夫陽氣主事陰氣乘之陽內欲出陰外欲入碰爲火光氣烈聲宏會逢其適亦頗擊物此氣雷也火光電也卽雷卽電卽光卽聲乃今見電須與始聞雷聲者光最捷而聲必隨雲路來也嘗坐十里嶺頭看山腳析薪斧下須臾纔斧聲過耳故知聞雷亦然

吾鄉謂虹爲青絳虹亦有形氣之分其垂首似驢能飲水酒形虹也是不常有有或爲妖或爲瑞其雲心漏日日腳射雨倏然兩出雨隨而止氣虹也鄔風蛟螭之詩當是興體非以比也少時嘗與同塾戲含溫茗背日而喫如霏烟時則兩虹宛然後讀侯鯖錄亦曰以水曬日則暈爲虹是前人已試之但非端正背日則不成耳乃知雨後煖氣日輪正照圓彩自成不然一口水

丹泉海島錄 卷一上

九

耳亦便爾邪氣耶

月天之下風最高雪與雨次之霧又次之露爲下山川出雲鍊雲生雨蒼蒼之表非有雨降也夏秋之交登高山之巔而雷雨在下其大致如是

暮春霏雪隆冬起雷占歲者據焉爲穀不熟然春雪不靈於漠北冬雷不驗於交南天地之大非可以一隅之見圍也

凡五星遲留伏逆憑日躔推步便得把握如五星行度近日則遲遲爲緩行五星三方見日如日在寅而星或在午或在戌則留留爲不行五星與日同度而行則伏伏則不見五星與日對照如日在寅而星在申則逆逆爲退行

木之餘紫炁水之餘月亭火之餘羅暎土之餘計都金之餘爲

書爲字出無常處亦無定形羅喉計都氣厚而圍其行適與日月經緯度同則日月爲之食紫炁月字其氣澄徹雖與日月經緯適同不爲食矣

人生於寅而人星垂象則位於子萬民之精也周禮獻民數於王乃祭天之司民卽人星也然自秦漢而後祀典未詳司民之祭矣

天漢星多多雨星少多晴星多少者隱見之分也月暈而風風從缺處來星搖而風風從搖處來月離畢而雨須入畢又在柄則不雨孫子火攻之法占星以箕東壁及翼軫謂月躔四星主發大風十常八九惟上風下風是難逆睹不可爲典要天道遠也唯變所適人道邇也

丹泉海島錄

卷一上

十

凡望雲氣莫善於漢人而天官書一段文字外未有傳書風角之占今有其書似非原本占星書最多青田星占頗爲簡核要皆本天事以占人事若卽天事以占天事則占雨最多日色也月躔也星光也又如天河浴猪天船積水風之去來雲之火墨雷之雌雄霞之朝暮霜之輕重電之南北皆以證雨雨於民事最切故不厭求詳

電別名霍閃雷之電外類電有二其一火龍不能熱鬧昂首海面開口流光彩徹雲衢是如電然其一爲海水火發水中之火坎中之陽也海面晝夜刮風不爲火也若夫炎夏陽勝風稍微便爾鬱射乍見乍滅閃爍雲端是如電然瀛海水淡裏海水鹹鹹水火出逾甚是火也近則聲聞而不著物高則光顯而無物

著之田家五行云夏秋之間夜晴而見遠電是謂熱閃南閃主久晴發於南海離位火勝也北閃主卽雨水火既濟也

本朝時憲書采用西法周天度三百六十無餘分日法一千四百四十時分百二十刻八刻分十五

自堯典以來周天皆三百六十五度四分度之一今三百六十則古法多五度四分度之一其實乃以五度四分度之一分派

於三百六十也假如其年十一月乙丑子初刻冬至則明年十一月庚午卯初刻冬至二十四節氣准此布算每歲節氣加五

日四分日之一是派分則三百六十而布算仍遵三百六十五

四分之一也古聖人之精密所謂範圍天下而不過者歟
康熙十七年御史成其範上言畧曰臣謹案五星之占驗往往

丹泉海島錄

卷一上

不爽惟熒惑一星其應尤速此司馬遷所謂天子必視熒惑所在也天文志曰熒惑行無常出則有兵入則兵敗各以其舍命國爲亂爲賊爲疾爲喪爲饑爲兵所居國受殃天官書曰熒惑反道二舍以上居之三月有殃殃速至雖大當小久而至當小自十二月十八火星退鬼金之宿二十二火星退井木之宿自三十一度起至十八年正月初九退至二十五度而留留至正月十七而止夫鬼金之分野雲南大理武定姚安等府是也據星占而論論其時則自十二月十八至正月十七止論其地則自貴州平越府起至雲南八府止此內當主賊兵自相殘害一月之內

端倪必見五月之內消滅無餘此必至之應也說者曰火星退度亦有未必盡應者臣以爲火星退在四水宿則不應蓋水能克火火故不能爲厲也火星退在四土宿則亦不應蓋火土相生火亦不能爲厲也至於火退鬼金則火能爍金火退井木則火逢木而愈熾况火旺南方鬼井皆南方之宿也雲南皆南方之地也反道正居其野則逆寇之滅亡所必然耳臣不知彼地之情形亦不知兵家之進退但以星氣之占驗其理如此請勅軍速應星象以圖翦滅則蕩平指日可期矣是年吳三桂病死次年雲南平

明嘉靖中南京禮部郎中薛公應旂作甲子會紀從黃帝八年

甲子起爲第一甲子六十八年甲子爲第二甲子一百十年丙

丹泉海島錄

卷一上

七

午次年丁未爲少昊元年十八年甲子爲第三甲子七十八年甲子爲第四甲子八十四年庚午次年辛未爲顓頊元年五十四年甲子爲第五甲子七十八年戊子次年己丑爲高辛元年三十六年甲子爲第六甲子七十年戊戌次年己亥爲摯在位諸侯尊堯仍以高辛紀年至癸卯爲高辛七十五年次年甲辰爲堯元年今治歷者皆從堯元甲辰起算是第六甲子中之甲辰當爲下元如以爲上元則黃帝八年以前又須排一甲子矣

神農氏時中國地西北距東兩三萬里東北距西南四萬里服其教者不復以道里計四裔各自名其國而水陸種穀無異中邦此其徵也土宇遼闊民生日蕃自其季世以逮黃帝之初上下百餘年間用兵者屢矣盛極而衰亦其理也有虞三代皆料民數而登之秦始郡縣有戶有口後世有地丁之名地之所產丁之所供非丁無以治地非地無以養丁中國腹地原隰爲田而西北饒沙草西南饒山木東海饒魚鹽躋彼幽遐尙有洪荒未闢之處地力寬然有餘矣天下之生盛衰相倚亂後地餘於丁易爲力也際其盛時丁餘於地將如之何是以草創之初不丹泉海島錄

卷一中

一

盡地力留地之有餘以待丁之日盛禹貢九州之地凡二千四百三十萬八千二百餘頃墾田九百二十萬八千餘頃不墾者一千五百萬二千餘頃民口一千三百五十萬三千九百有奇塗山之會承唐虞之盛執玉帛者萬國聲教所至東西二萬八千里南北二萬六千里有窮之亂棄稷弗務少康中興漸復禹迹至桀而替諸侯相兼商湯初年存者三千餘國方於夏初十損其七民口衰少將亦如之中間子孫五遷時衰時盛周制五等之封凡一千七百七十餘國滅於湯時一千三百民口衰少將亦如之周公相成王與民休息民口一千三百七十餘萬多於禹時二十餘萬此其盛也厥後昭王始衰中更幽厲之阨平王東遷寢以瘠弱受田之民益衰少矣春秋初侯國千有二百

至於戰國存者十餘強秦兼併分天下爲三十六郡設參夷之
刑收大半之賦長城備胡之卒一百餘萬阿房驪山之徒七十
餘萬以至陳項發難民戶存者三分之一語曰斗滿人概之人
滿神概之將如之何漢初子遺之民減於六國時文景之世休
養六七年民戶大增武帝藉其資蓄用兵三十年天下之眾
亦減半焉自昭宣至孝平六世相承民戶一千二百二十三萬
三千有奇漢極盛也新莽之亂光武中興百姓虛耗十存其二
永平建初務在養民迄於孝安兵饑頻仍孝桓時民戶頗增於
前未幾而黃巾首禍羣雄角逐垂四十年晉併三國民戶二百
四十五萬南北六朝遞消遞長隋一區宇民戶八百九十萬唐
初九百六萬天寶之後迭更藩鎮之亂日形凋弊無復開元氣
象降及五季禍患極矣宋之民戶仁宗爲盛二千九百萬有奇
元世祖誅殺爲務國祚因而不長有明之初百姓頗爲窮瘡仁
宗而後以生以育日以蕃息民戶比隆周漢盛時嘉隆以還閭
豎蝨賊積生戾氣荒歉頻年饑民無歸張李二賊乘之蔓延宇
內秦蜀荆襄幾無噍類鋒鏑之慘甚於赤眉黃巢矣世道循環
天心厭亂假手於我

大清順治元年甲申五月王師入關十月朔

世祖皇帝定鼎燕京綏靖四方救民於水火之中登諸衽席直

省稻田桑畦次第墾植

聖祖平定三藩康熙十二年至十八年軍事旁午宏濟艱難師

興而時和歲豐與百姓休息日以蕃滋馴至四十年壬午以後

丹泉海島錄

卷一中

二

而戶口大盛

凡各直省諸色人戶有司察其數而歲報於部曰煙戶男年十六曰丁女曰口未成丁亦曰口丁口繫於戶腹民以丁口計邊民以戶計康熙癸巳

詔天下凡丁輸賦者以康熙五十年辛卯丁賦為定額額之外為羨餘每歲編審正額或闕以羨餘補之其羨餘名曰

盛世滋生人丁永不加賦又行丁歸地畝之法而無田之民均

免丁輸

聖謨洋洋氣脈綿遠三代以來未之有也

乾隆中纂修一統志備書直省原額人丁而滋生人丁分載焉

順天直隸原額三百二十六萬一千三百七十一滋生九萬四千四百二十八屯丁二萬七千六百五十三

丹泉海島錄

卷一中

三

奉天府錦州府其時見在人丁四萬七千一百二十四

承德府新編戶十萬九千八百零五丁十五萬八千三百九十六

甯古塔城黑龍江城遵化州均未編

江蘇原額二百七十萬五千七百六十五滋生二十萬七千一百八十八海門未編

安徽原額一百三十五萬七千五百九十二滋生二萬八千九百六十一屯丁一萬一百七十二

山西原額一百七十五萬一千七百二十九滋生四萬一千二百二十六更名屯丁三千九百四十四廢藩儀衛六百二十五經制軍三百五十六隨侍丁八百七十四

三霍州見在丁口二萬九千七百四十七

山東原額二百四十八萬九千六百六十九滋生二十萬九千九百六十八

河南原額二百八十六萬二千六百六十二滋生二十萬八千六百六十二

陝西原額二百三萬五千九百五十五滋生三千八百八十八屯丁十萬一千一百八十六滋生屯丁十六萬九千一百一十

甘肅原額三十一萬四千三百零九滋生二萬一千一百三十三屯丁十二萬六千一百零四更名屯丁一萬五千四百

六十九投誠番民四萬三千三百十三戶鎮西涇州
迪化其時見在十三萬一千七百十四戶泚州未編

浙江原額二百九十五萬九千零八
滋生三萬三千五百六十一零八

江西原額一百一十萬六千一百零五
滋生二萬五千四百八十八甯都州未編

湖北原額四十五萬四千五百零六
滋生二萬二千七百七十六

湖南原額三十六萬八千八百七十三
滋生七千九百三十二時沅州府未編

四川原額丁十一萬四千一百五十四
見在戶五十一萬九千五百五十一
滋生戶一萬五千五百五十二番戶十二萬三千二百八十九姓土司戶

福建原額人丁竝軍丁一百四十八萬九千
五百三十三滋生十萬九千五百六十

廣東原額一百一十萬八千一百二十
八滋生二萬二千六百六十二

廣西原額人丁竝屯丁二十萬八千二百
六十二滋生一萬三千二百八十四

雲南原額軍民人丁十八萬一千二百三十三
滋生四萬九千六百二十七其時廣南開化東川昭通元江普洱鎮沅各

丹泉海島錄 卷一中

四

府州均蠻戶尙未編廣西州亦蠻
戶未編有軍舍土丁三百七十零

貴州原額三萬七千六百零五滋生一
萬四千一百十三時仁懷廳未編

乾隆朝用兵準夷緬甸前後十有餘年而紀律森嚴芻蕘夙時
士卒鳧藻民不知兵嘉慶初教匪竊發不久芻夷井里宴然無

所事事道光庚戌髮賊初起倉卒未即撲滅望氛轉惡染及淮
南搶匪蠢動東南戶口強半創痍仰賴

廟算睿謨懋昭

聖武同治三四年以次殄寇五年歲星在越梅州之役獮薙無
遺閭閻再完山川重秀吁亦難矣

先正有言氣運所至天無如何聖人亦無如何然民物盛衰聖
人決不聽其自消自長於其間消長者易之理也易曰其亡其

大

不

其

亡

其

亡繫於苞桑子曰危者安其位者也亡者保其存者也亂者有其治者也又曰天地之大德曰生聖人之大寶曰位何以守位曰人何以聚人曰財理財正辭禁民爲非曰義

自丁歸地畝之法行百姓優游於耕鑿而有司無考課之累亦遂視編審爲具文惟吏胥是任以致口戶不清編審時吏胥按戶索費百姓又虞差徭及身於是弁戶減口專爲一切徼幸平時按籍而稽不見其多或偏災議蠲議賑計口給發其數驟增於是編審賑恤二冊分道揚鑣當賑恤時事期迅速方以不能遍及爲慮則又無暇持矛而刺盾耳

桂林朱蘊叔

龍耀

爲蒲令邑處萬山中高峻陡坂非雨澤不能

有秋乃刊區田圖說勸民爲之區田者始於伊尹古法不可考

丹泉海島錄

卷一中

五

王氏農書推本汜勝之之法以爲每田一畝廣十五步每步五尺計七十五尺每行占地一尺五寸計分五十行其長十六步每步五尺計八十尺每行占地一尺五寸計分五十三行長廣相乘得二千六百五十區空一行種一行隔一區種一區留空所以便澆芸且可疏風不致熱壞而以餘土培根也除隔空外可種六百六十二區區深一尺酌用灰壯與區土相和布種勻覆令土與種相著苗出時每一寸留一株每行十株每區十行留百株用長柄小鋤鋤多則穉薄若鋤至八遍每穀一斗得米八升如雨澤時降可坐享其穫旱則澆灌不過五六次即可收成結實時鋤四旁土深壅其根不至被風吹折其爲區當閒時掘好種諸穀隨天時早晚地氣寒暖物土之宜節次爲之不可

貧多毋論平地山莊歲可常熟近家臨水爲上卽無牛犁用整
鑿墾廩尤便貧家區田一畝足食五口若播治得法灌溉以時
雖遇災旱不至損耗後衢州詹文煥監督大通於官舍空地爲
之計一畝之收五倍常田聊城鄧鍾音於雍正中亦嘗行之一

畝之收多常田二十斛云式暨賦一

尹侍郎會一乾隆初巡撫河南嘗條奏豫省農桑畧曰臣生長

田間頗知農務謹就豫省情形悉心籌畫敬爲我

皇上陳之一天時之宜乘也凡物之生長必有其候故農時以

不違爲先力田以早種爲主蓋早種則先得土氣根株深固發

生必盛收成必倍今豫省百姓往往有時宜播種而未舉耜者

有時宜耘耔而始播種者查播麥之期務在白露如天氣尚暖

丹泉海島錄 卷一中 六

當白露十日後種之種高粱當臨清明節種早穀當隨穀雨節

種棉花當在春末夏初種荳子晚穀於刈麥後在麥地種之蕎

麥於中伏內芝蔴多種於棉花地旁卽有氣候不同寒暄各異

之處要必按時下種應令地方官徧戶曉諭不拘時日親往各

鄉查勘如逾時而未種者面加訓飭倘有工本不足者借以倉

穀秋後還倉則天時無失收穫自豐矣一人力之宜盡也南方

種田一畝所穫以石計北方種地一畝所穫以斗計非盡南智

而北拙南勤而北惰南沃而北瘠也蓋南方地窄人稠一夫所

耕不過十畝多則二十畝力聚而功專故所穫甚厚北方地土

遼闊農民惟圖廣種一夫所耕自七八十畝以至百畝不意

以多種則多收不知地多則糞土不能厚壅而地力薄矣工作

不能徧及而人事疏矣是以小戶自耕已地種少而常得豐收佃戶受地承耕種多而收成較薄應令地方官勸諭田主多招佃戶量力授田每佃所種不得過三十畝至耘耔之法須去草務盡培壅甚厚犁以三覆爲率灰以加倍爲準鋤以四次爲常棉花又不厭多鋤夫地少力專佃戶旣獲豐收田主自享其利且分多種之田以結無田之人則游民亦少應飭地方官善於奉行一樹藝之宜廣也夫木之佳者以桑爲上其餘如棗梨桃杏榆柳椿杜等均堪利用查豫省每多鹹鹼飛沙之地小民因難墾種大半荒棄不知鹹鹼之地挖去三尺必無鹹味飛沙之地挖去三尺必有溼氣而村尾溝頭籬邊屋角隙地頗多雖不可播種五穀未始不可栽植樹木應令地方官廣爲勸諭就所

丹泉海島錄

卷一中

七

宜之木隨處種植加意培養如鄉耆保長有能一年之內勸種桑五百株梨棗等一千株者賞給花紅三年內每年添種如前數給匾獎勵則地無曠土利賴更溥矣一女工之宜勤也查江南蘇松兩郡最爲繁庶而貧乏之民得以俯仰有資者不在絲而在布今棉花產自豫省而商販於江南臣愚以爲寸絲之直可抵尺布而衣布之人百倍衣絲且織布易而織絲難教以難者或未必率從教以易者可冀其就業但豫省未嘗不織布而家有機杼者百不得一應令地方官曉諭有力之家或多造機杼貸於織布之戶量取賃直或將無礙公項可以動支打造者令其給領一年之後繳還原項並廣諭婦女凡牌甲內有一家織布者同甲仿效行之庶比戶連村各勤紡織亦推廣蠶桑之

一道也

朱蘊叔區田圖說本原田而設而南中水田大可仿照者時苗
疏密之法也余任婁時下鄉至楓涇舟行浦尾見村農插秧過
密謂向來如是心知佃戶食多之習也因取皮倚坐塍旁諭以
稍疏則將來穗長而垂太密則穗短而翹炎夏時且不疏風間
有壞者今但取一坵如我法照爾原插每行相去更寬三四寸
許看收成何如諸農欣然俄頃插成秋收時過而問焉其穫贏
於密者

國初時福建巡撫某公欲教民種稻先於署後隙地治田數畝
播種苗生使家人晨夕培壯苗大如甘蔗秋中城外農田稻黃
彌望而此猶長青葉不已未幾霜降萎焉迄無所穫呂新吾先

丹泉海島錄

卷一中

八

生有言恩寵太過臣妾之災雨澤太過草木之災然則本於朱
尹二公之說以知其利鑒于某公之用壯以知其弊於老農老
圃之事思過半矣

孟子言養老若雞豬魚鼈若墻下樹桑又深體乎五十六十之
飽暖如今之棉葛麻楦禹貢云卉服也是數者貧下之家力能
勉焉王道所爲易行若曰爾事親衣必千金之裘食必百金之
魚豈王者教人之意哉

康熙四十八年

上諭廷臣曰明季事迹卿等所知往往紙上陳言萬歷以後所
用內監曾有在御前服役者故朕知之獨詳明朝費用甚奢興
作亦廣其宮中脂粉錢四十萬兩供應銀數百萬兩至

世祖皇帝登極始悉除之紫禁城內砌地磚橫豎七層一切工
作俱派民間宮女九千人內監至十萬人飯食不能徧及日有
餓死者今則宮中不過四五百人而已明季宮中用馬口柴紅
螺炭以數千萬斤計俱取諸昌平等州縣今此柴僅

天壇焚燎用之馬口柴約長三四尺淨白無玷黑兩端刻兩口
故謂之馬口柴

聖祖南巡山東撫臣王公

國昌

進海物并生鹿俄而侍衛傳

旨不用海物又不食特殺將鹿發還蔣公

陳錫

恭紀詩曰鹿脯

何曾減鳳麟須知特殺不沾脣諸花作膳逾珍饌翹首天廚近
玉宸先是

駐蹕德州有不用烟酒之

丹泉海島錄

卷一中

九

諭蔣公恭紀詩曰碧椀冰漿激灑開肆筵先已戒深杯瑤池宴
罷雲屏敞不許人間烟火來

任葵尊

宏嘉

官御史時嘗上疏請定服色三品以上始許衣貂

裘舍利猴議奉

俞允王文簡公在朝房口占戲贈云京堂詹翰兩衙門齊奪貂
裘舍利猴昨夜五更寒徹骨滿朝誰不怨葵尊

宣宗中年尤崇節儉嘗有

御用黑狐端罩襯緞稍闊著內侍將出四周添皮內府呈帳需
銀千兩乃

諭勿添明日軍機大臣入

諭及茲事自是京官衣裘不出風者十有餘年

宋藝祖初內酒坊糯米歲入百石至仁宗朝歲須入萬石內廚
每日實用麵五千斤而簿支萬斤羊四十頭而取供二百八十
此從前酒肉簿亦可爲殷監云

南宋都臨安民俗頗浮白癩髓曰浙西鄉俗借錢造屋棄產做
親而行都猶甚其或借債得錢光飾門戶卻日逐糴米而炊妻
帑敝衣跣足而戴金臂釧夜眠賃被此非不知爲費欲美外觀
中心樂之

舊傳荆襄之間琵琶多於飯甑措大多於鮑魚然如潮港綠篷
珠江蜚舸徵逐燕游往往而是趙甌北先生守廣州時制府嘗
命禁之甌北以此風由來已久每船十餘人恃以衣食一旦絕
其生計此七八萬人何處得食其事隨已夫仍其積習養活亦
丹泉海島錄

卷一中

十

多變其積習保全匪少操切不能因循不可或者飭勿滋事漸
畀謀生

桂林呂月滄司馬

廣

自言廣西地瘠而用儉蘇杭人家一月之

費彼可以周歲焉奢儉相去如是同治初東南賊平生業維艱
風氣宜少變而居室服用不改舊觀則人戶稀也數十年後丁
口漸蕃須是返朴還眞而物力乃可濟爾

南中榕樹初生如藤或異本附著旋抱而長其大者蔭可十畝
產榕處卽有瘴氣然南徼滿山皆樹羣落積穢故濃烟陰霧凝
聚不散人觸之而爲疹非獨榕樹咎也承平日久熙攘往來落
實取材樵蘇及遠瘴厲亦爲漸消矣

嚴州漁船凡九姓世爲婚媾相傳陳友諒水軍也友諒敗水軍

散走東下其後雜隸衢婺三州操業篙師所隸之郡官給舟符相檢校名曰郵票且徵庸焉匝歲而更山西陝西之樂戶江南之丐戶紹興之墮民皆於雍正元年七年八年先後豁除賤籍報官改業後已越四世親支無習賤業者准其應考出仕其廣東之蠶戶嚴州之九姓漁船皆照此例

聖恩浩蕩普爚幽微矣

陸朗夫中丞耀嘗著甘薯錄廷臣曾疏請將所錄飭交江浙大吏令民間學種爲備荒之用甘薯都中謂白薯吳中謂山薯浙東謂番薯以其種自呂宋來也延平等處有番葛可生啖可蒸食可研粉多種亦頗濟荒諸穀麥黍秫外若蕎麥稗子而以包穀爲大宗包穀玉蜀黍也北人謂玉米今自南中至東省天津以抵鳳凰邊平疇高山皆能種矣

丹泉海島錄

卷一中

十一

丹泉海島錄卷一中

遂昌徐景福

太史公曰中國山川東北流其維首在隴蜀今分四條由蜀徼外崑崙東抵岷山而東川陝分脊又東而河南而山東為中條大幹山由崑崙西南而東南抵雲南而黔而粵而閩而浙為南條大幹山由崑崙東北抵青海而甘肅而晉而燕為北條大幹山由崑崙西北抵蔥嶺而天山而阿爾泰山而唐努山肯特山至大興安嶺至東北海之西岸岡脊分流西外為回部北外為俄羅斯內為中國是為中外接境之大幹山

崑崙為大地內祖山中國中條幹山發脉於崑崙東南麓喝達素齊老山東南行抵郭洛克山折而東四百里入撒路各土司

丹泉海島錄

卷一下

一

境折而北起為岷山

自崑崙南麓至岷山二千五百餘里為大江發源

岷山東行折而北入陝西岷州南境為分水嶺東行折而北又折而東起甯遠縣南境老君山又東行起伏羌縣南境朱圍山折而南起秦州南境之嶓冢山又東南行起麥積山又東南行過寶雞縣西南境折而東南起秦嶺東為大散關又東南起太白山又東南為小秦嶺又東折而北為鄂縣南境終南山終南山麓折而東南又東過藍田縣南境為東秦嶺折而北抵

華州北境起熊耳山

為洛水發源

熊耳東南麓循商州北境東北行過嵩縣南境又東北過伊陽縣北境又東北抵登封縣北起為中岳嵩山

即禹貢外方山

嵩山東麓東行起陽城山又東北抵滎陽縣北境折而東循黃

河南岸過祥符縣伏爲平地過蘭儀縣北境穿淤黃河入山東

北行過定陶縣北境抵嘉祥縣西境起金鄉山又伏而東北行

過汶上縣南境又東北循汶水南岸東行起陪尾山東南一枝抵蒙陰縣

南起東蒙山東蒙東南一枝抵嶧縣東北起葛嶧山西南一枝抵鄒縣東境起鄒縣之嶧山

陪尾東北行抵沂水縣西北境起爲沂山即東泰山形勢處最高爲東省諸山之祖

沂山西北行過博山縣西南境分水嶺又西北折而東南抵泰安府城北起爲東岳泰山

沂山西麓一枝西行過新泰縣北境又西起新甫山又西起徂

徠山沂山東行過穆陵關南抵日照縣西北境起高柘山折而

東北抵棲霞縣南折而東抵海岸起成山高柘一枝南行抵贛榆縣北起羽山是

爲中條之大榦山

丹泉海島錄

卷一下

郭洛克山折而東南入阿樹土司界東南行又西南行過打箭

爐西境又南起大雪山南麓南行八百里抵金沙江接雲南界

岷山南麓南行入小金川界折而東起四川汶縣之大雪山山

之西南麓入小金川界折而東又折而西南過雅州西境過榮

經縣西折而東南起峨眉山

岷山西北麓一枝北行起洮河西境之西傾山又北行折而東

北抵河州西境黃河南岸積石關而止岡脊之水東流皆入洮河西流皆入黃河

岷州南境分水嶺北一枝北行起崆峒山又北行起洮河東境

之西傾山又北行抵渭源縣西境起烏鼠同穴山東去又爲分

水嶺自嶺東北行過會甯縣東境起筆架山又北行起須彌山

折而東又南行過華亭縣西又東南行南出起吳獄山即禹貢

沂山

吳獄東去過隴州北境又東南起岐山自須彌山東行折而南抵隆德縣西北境東行起六盤山東北行抵邊城折而東過茲

麥城起蘆關嶺

延安府西北境也嶺之西麓一枝東南行抵甘泉縣北野猪岐東南行起進士山東出抵黃河

西岸起孟門山南出抵同州西境朝邑南境而止

岷州南境分水嶺東南行一枝起階州北境之武都山一枝起

成縣西北境仇池山武都山西南爲武都關西南小枝亦自岷

山來東南行起爲劍閣

大散關秦嶺西南一枝起爲鳳縣東境之武都山南行抵留壩

折而西過陳倉道又西起分水嶺又西抵靈官峽正南行過畧

陽縣西境又南行折而西南起爲漢水發源之蟠冢山又西南

爲五丁關又西南抵黃壩折而東行千餘里抵均州之南起武

丹泉海島錄

卷一下

當山又東南起襄陽西境之荆山抵荆門州西境爲荆門山

荆門山東北數十里起三尖山疑卽禹貢內方山

荆門山東南行過江陵縣北境抵沔陽州界而伏瀦爲白泥赤

野諸湖東北出江漢合流處起爲大別山

熊耳山東北一枝東北行抵華陰縣南境起爲西岳華山山之

之東麓連延不斷循洛水北岸黃河南岸抵洛陽縣西境起伊

關山

嵩縣南境老君山南行起伏牛山折南東南又東行起白雲山

過魯山縣南境裕州東北境折而南過確山縣西境折而西南

起迴龍山又西南起爲桐柏山

桐柏山東南麓抵應山縣東北境東出抵北界嶺南界嶺又東

出武勝關入湖北界又東抵小界嶺大界嶺又東抵爛泥坳入安徽界東南行抵梅嶺關之東一北去起霍山一南去起灤山是爲中條大幹山左右出之各枝山又爲各小枝之幹山

中國南條大幹山發脈於崑崙西南麓崑崙西峯最高處爲巴彥哈拉得里奔山又西南起西金烏蘭托羅海山又西起勒斜爾烏蘭達布遜山折而東南起阿克達木山折而東北抵格爾各土司境東南行抵葛拉嶺

嶺當青海蘇爾莽城西北

正南行過珠巴雅街

東境爲過峽又東行爲馬爾佳謨拉山正南行抵朔拉嶺入前藏界嶺折而東又正南行折而西南過打箭爐西界抵公蘇木拉嶺又西南抵前藏東界多布日拉嶺又南行折而東南出前藏東南界入雲南麗江府中甸廳西北境起爲白那山勒斜爾丹泉海島錄

卷一下

四

烏蘭達布遜山連延不斷二千八百餘里抵白那山岡脊分水東流皆入金沙江西流皆入瀾滄江

白那山過維西廳東南境抵劍川州西北起老君山折而東過麗江縣南境起七和山折而西又南行過鶴慶州西境又南行過大理府洱海之西又東南起梁王山山中水源一流分一東去繞雲南縣城東折而東北入金沙江一西去過城西合萬花溪東南流爲河底江最遠之源

河底江流經安南國入南海

梁王山南行過雲南縣南境折而東南抵楚雄府西折而東南抵回磴關折而東北過元謀縣南境又東南行抵富民縣西境爲分水嶺嶺正南行抵昆陽州西南境起廂兒山折而東起海寶山

山北爲滇池

又東抵晉甯州東南境折而東北抵馬隆州西境

折而北抵宣威州西北境爲分水嶺連延東北入貴州威甯州西境入仙海之南

貴州入仙海之南山脊最高東行折而東北又折而東南抵朗

岱廳西北又西南折而東行抵普定府城北折而東行抵廣順

州南境獠牙洞又東北抵省城西南折而東起山 朵山 北抵省

朵山 東山 南行折而正東行過入寨廳北又東行抵黎平府西

南境折而東南過永從縣南境折而東入湖南通道縣東南境

起附子隘

湖南附子隘東行折而南入廣西興安縣北境起越城嶺過縣

東南起海陽山山中水源一流分東北流者爲湖南湘水之源

西流者過靈川縣東抵省城繞而南爲灘水之源

此與雲南梁王山水及永

丹泉海島錄

卷一下

五

福縣南相思江相似

海陽山南行抵龍頭山折而東過龍虎關之北又東過鎮峽關

之北抵湖南永明縣東南境起春頭嶺折而南又東行入廣東

連山廳西境折而北起大霧山又東北抵湖南臨武縣西境東

北行爲桂陽州東南境黃嶺山東行抵興甯縣南境界牌嶺折

而南又東行過桂陽縣東南境爲湖南江西廣東接界之木廣

峯東行爲大庾嶺

大庾嶺東南行起洪崖山又東南起羅漢岩折而西南爲峽頭

嶺又西南起猿山折而東起九連大山折而東北入江西龍南

縣東南境起小武當山折而東北行抵信豐縣東南境折而東

爲安遠縣南境九龍山又東南起長甯縣北境盤古山東行折

而東北抵會昌縣東南境之南北嶺東北行起牛嶺自此東北行岡脊爲江西福建分界牛嶺又東北抵長汀縣北境起黃竹山正北行抵南豐縣東南境木瓜嶺折而東抵茶花隘又正北行岡脊爲黃土關又北爲杉關又北爲火燒關折而東北抵崇安縣西北境起桐木山東北行抵浦城縣北境起漁梁山又東北入浙江江山縣南境起楓嶺

楓嶺南行過折桂嶺

亦名泗州嶺

又南起遂昌縣西境之西山折而

東起遂昌南境貴義嶺連延而北起白馬山東北行起侵雲嶺

又東北起宣平縣北境銀嶺東行折而東南抵處州府城北起

白雲山東行過縉雲縣北又東北爲蒼嶺東南行起栝蒼山

東南一枝抵樂清縣北境起雁蕩山南雁蕩在平陽縣南境山脉由慶元縣西北境小梅嶺來

丹泉海鳥錄

卷一下

蒼嶺正東行抵仙居縣北境起大盆山東北行起千丈嶺折而西北起西黃山又西北抵東陽縣東北境起深裊山西行爲白峯嶺折而東北起龍華山又北抵紹興府城南起會稽山

千丈嶺東行三十里起天台山龍華山東南行三十里起天姥

山天台山北麓連延抵奉化縣西北起四明山是爲南條大幹

山抵浙東海壖而伏穿海接日本小琉球各島

梁王山西麓一枝西南行過趙州南境又西起石母山東南行

起太極山又東南抵雲州西北境起鳳凰山東過三岔土司境

東南行起臥象山正南行抵景東廳東境起哀牢山南行循阿

墨江東岸抵他郎廳北境折而東南抵左龍土舍東行起拉博

山東南行抵五邦岩折而南入安南國界

昆陽州西南境廣兗山一校南行過老魯關西又南行折而東

南抵石屏州東北折而南抵異龍湖北折而西抵石屏州西寶

秀鄉折而東起五爪山東南行折而西抵松子園折而東北過

三脚海之東北折而東南連延不斷抵廣西之昭陽關東南行

抵鎮南關折而東北起分茅嶺嶺在茅北向中又東北為十萬

山又東北為王光山又東北為南甯府南境之羅浮山南甯府

關崑崙東北行過永淳縣南境又東抵靈山縣北境朝天嶺又東

北抵興業縣西境起北斗山又東北折而南抵北流縣西北境

起天門山正南行連延抵遂溪縣東南境起烏蛇嶺折而西沿

海東岸抵徐聞縣南境伏穿海起瓊州府境諸山最高有五指

自附子隘東北行二百餘里起石鍾山又東北起覆釜山為湖

丹泉海島錄 卷一下

南廣東交界又東北起大雲山又東北過東安縣西北境起白

祖山又北起神仙岩折而東過祈陽縣西境為騰雲嶺東北行

起黃龍山東行連延抵衡陽西北起為南岳衡山衡山而西

連山廳北境大霧山西北行入藍山縣西南境起九疑山瀟水

發於九疑東北行過木芙蓉嶺南境又東起靈山縣北境起天鏡又東

木廣峇西北高排塘北行過桂陽縣東境東北行抵君子嶺綿

延北抵龍成岩四百正北行抵通城縣東南境起黃龍山龍成

黃龍山為江西湖南分界峒沓水東

流皆入鄱陽湖西流皆入洞庭湖

黃龍山東行入江西界折而東北抵崇陽縣東南境折而東抵

武甯縣西北境起五鳳山折而東北行過興國州東南境折而

東抵南康星子縣北起匡廬山

自大庾嶺而洪崖而猿山山之西南一枝抵龍門縣西北境起
鐵岡山山東南一枝抵博羅縣西北境起羅浮山相傳自會稽浮來者指此

其西南一枝抵廣東省城東北起白雲山

自長汀縣北境黃竹山一枝東南行過連城縣南境折而東南
抵新泉司折而西南為楊梅嶺東南行連延抵平和縣東境起
官寮山南行為葛布嶺折而東為天馬山正東行抵海澄縣南
境海壩而伏起廈門以南各島穿海起澎湖又東穿海起為台
灣府地有崇爻山最高由泉州廈門東南抵彰化縣南鹿于港海道四百里風順半日可到
遂昌縣西境之西山一枝南行過慶元縣西北小梅嶺折而東
又南入福建界正南行抵羅源縣西境為梨洋嶺又南行抵省
城北折而東抵海壩而伏

丹泉海島錄 卷一下

江山縣南境楓嶺北三十里起仙霞嶺折而西北行抵常山縣
西南草坪司又西北抵江西玉山縣起懷玉山折而東北抵浙
江遂安縣西境馬金嶺折而西北抵安徽休甯縣西境榔木嶺
又西北為西武嶺嶺北行折而西抵青陽縣南境起九華山北行折而東抵黟縣東
北境起黃山正東行過績溪縣北境又東抵育嶺關入浙江界
西北行抵於潛縣西北境起西天目山又東為東天目山南行
過臨安縣西境折而東過餘杭縣南境東北行抵省城南起鳳
凰山西北一枝入城為吳山

西天目一枝北行過安吉縣西境抵長興縣西北境入江蘇界
起顧渚山西北行過東壩而北又東北抵金壇縣西北境起茅
山又西北抵句容縣西北起華陽山折而西南抵江甯府城北

起鍾山南麓入城伏而南穿秦淮而南起牛首山華陽山一校北行抵鎮江府城西北起北固金焦諸山是爲南條大幹山左右出之各枝山又爲各小

枝之幹山

中國北條大幹山發脉於崑崙東北麓東北行起阿克塔齊欽山循黃河源北岸東行起布呼吉魯肯山

布呼吉魯肯山一枝南行循黃河源北岸東行抵查哈噶順東北境折而南循黃河東岸抵哈爾吉嶺又南折而東三百餘里

抵公策旺多爾濟南境起積石山即古積石山亦曰大雪山元史謂雅爾麻布瑪刺譯言騰

乞里塔黃河西來依山南麓折而東北流者也

呼布吉魯肯山正東行抵土爾扈特西旗界東北行抵和碩特西後旗界起西羅嶺

丹泉海島錄 卷一下

西羅嶺一枝東行六百餘里起南川土司東南境之積石山此唐

宋以來所名之積石山也西峯曰小積石山即古唐述山

西羅嶺西北行繞青海西境正北行入甘肅安西州南境石堡

城東南起牛尾山東行抵甘州張掖縣西南境起祁連山東行

起馬蹄山山東北一枝抵山丹縣西境東南行抵永昌縣南境

摩天嶺又東南循大通河東岸抵連城土司地又東抵古城土

司地出邊城東北行出外邊城又東北抵甯夏府西境起賀蘭

山山峯連延四百餘里北麓北行三百餘里起郎居胥山自賀蘭抵郎居

皆抵瀚海而止

郎居胥山東北行折而東循黃河北岸起瓮金湖隴山東北行起達罕德爾山折而東南抵茂明安旗南界又東抵歸化城北

境東北行起伊瑪圖山自鄔居胥抵伊瑪圖山其西北枝阜亦皆抵瀚海而止自哈密東北境起抵居延海北自西而北而東抵伊瑪圖山綿延二千五百里皆瀚海地沙多水少流澗不常自歸化城西北至哈密驛站皆繞瀚海而行

伊瑪圖山正東行抵察罕托羅海嶺又東折而南循邊城入直隸宣化府龍門縣西南境起燕然山折而東抵延慶州北起大海沱山又東南起梁山折而西南抵居庸關東南行抵順天府

城西北起玉泉山為京師後龍山是為北條大幹山

伊馬圖山一枝正南行入山西朔平府西境邊城東南行入神池縣西境邊城又東南行起管涔山山為山西省諸山之祖

管涔山東北一枝過繁峙縣北西北行出北樓口邊城東北行抵渾源州東南起為北岳恆山岳之西南麓折而東南行抵圍城子曰折而西南起五臺山

丹泉海島錄 卷一下

十

管涔山正南行折而東南抵石嶺關西起陰山又東南抵壽陽

縣東境又東南抵平定州西南境起陡泉山又西南抵八賦嶺又西南抵黃花嶺又西南抵分水嶺嶺當太谷縣東南境南行循沁水西

岸抵高平縣西北境起發鳩山東抵丹朱嶺折而東北抵壺關縣南境起七佛山折而東北起抱犢山正南行過陵川縣東境

抵脩武縣西北境起太行山

太谷縣南境分水嶺西行起戈嶺山西南行折而南行抵霍州東境起霍山其東為太岳山正南行過岳陽東境南行抵浮山

縣東南烏嶺折而西又南行起王屋山東出為析城山又東為底柱山王屋南麓抵黃

河北岸止隔河為函谷關

管涔山西北一枝抵五寨縣東境仍稱管涔山南麓正南行抵

樂靜縣北境乏馬嶺折而西南行過嵐縣西境南行抵赤堅嶺
又南行折而東抵文水縣西北境起呂梁山南行抵汾陽縣北
境折而東南起狐岐山西南行抵康城鎮折而東南抵汾西縣
西境折而西南起七佛山折而西北起姑射山七佛山折而東
南抵洪洞縣西南境折而西北過吉州西北境臨黃河東岸起
壺口山姑射山在蒲縣北境壺口
山對河西岸爲孟門山

伊馬圖山東北一枝東北行抵多倫諾爾廳西北境起德爾山
德爾山東北行抵克西克騰部西北默爾哲嶺正北行抵蝦蟆
嶺折而東北起哈祿那台山又正北行抵昌圖布里都

昌圖布里都北行起索岳爾濟山折而東北抵厄伯爾嶺又東
北起特爾根山又東北抵雅克嶺正北行爲內興安嶺

丹泉海島錄 卷一下

內興安嶺東北行八百餘里抵黑龍江南岸循岸折而東南行
抵黑龍混同兩江合流處止

昌圖布里都東境起蘇克蘇魯山東南行抵拉馬衣馬哈拉嶺
又東南抵盛騰嶺又東南過科爾沁各旗地東抵邊墻伊通門

起勒克山折而南抵弋爾敏朱墩嶺折而東北抵黑林嶺折而
東南起斐德里山正東行起長白山山南北連延四百餘里西
麓爲松花江發源東北抵

朝鮮會甯府西北境北枝起平頂山西北行起伊努山又北
起小長白山北行抵混同江南岸西南麓爲鴨綠江發源
長白山東南行抵朝鮮端川郡西境摩雲嶺嶺東距海
百餘里折而西

南行過咸興道西南德陽縣城東北起過仙山自此循海西岸
曲折南行一千二百餘里抵南原府南境海孺而止中間起伏
山名頗多

德爾山一枝東南行抵西拉扎拜嶺又東南抵蝦蟆嶺又東南

抵大衍嶺又東南抵拜布哈嶺又東南抵毛金嶺又東南抵五
虎馬兒嶺折而東北過承德府建昌縣東北境抵朝陽西北境
折而東抵錦州府廣甯縣北境起鑿巫閭山是爲北條大幹山
左右出之各枝山又爲各小枝之幹山

西北中外接境之大幹山自崑崙山西北麓起北麓皆大戈壁

譯言大沙磧

西北行千餘里抵蒲昌海之西塔里木河而止崑崙西

麓戈壁一千五百餘里抵回疆和闐城南境起尼莽伊山西北

行抵葉爾羌西南境起蔥嶺

蔥嶺以東塔里木河以北從山出水長者數百里短者數十里自起

自涸居人必依水次

蔥嶺自西南來東北行又折而東長數千里連延不斷又東與

天山相接番言騰格里山

天山橫互長二千餘里

丹泉海島錄

卷一下

十一

天山自西南而東北千餘里抵木素嶺又北行抵伊犁西境東

行抵吐魯番西境皆天山也自烏魯木齊西南折而東北起布

達克山東北行三百餘里起拜塔克山又東北五百餘里抵索

爾必嶺折而西北抵孫都魯克嶺又西北接阿爾泰山

山爲漠北羣山

之祖其西南麓枝阜皆抵瀚海而止

阿爾泰山東南麓抵孫都魯克嶺又東南抵索爾必嶺折而東

連延五百餘里抵烏蘭嶺東南行抵和爾輝嶺又東南抵輝特

旗界東行穿戈壁五百餘里折而東北起巴彥山東北抵察罕

河源與唐努山接

阿爾泰山東北麓東北行抵喀屯河源

喀屯河北流俄羅斯國

起唐努山

東北行折而東抵烏梁海三佐領南界東南行折而東抵扎薩

克圖汗部烏梁海一佐領西界折而正南行抵察罕河源皆唐
起伏西南
接巴彥山

唐努山南抵察罕河源東南行抵烏克克嶺南行抵推河源折
而東抵庫庫嶺又南行抵三音諾顏部南境折而東北又正北

行起杭愛山

庫庫嶺南抵三音諾顏部南境折而東南又正東行千餘里起

鄂羅輝山

鄂羅輝山北行三百里抵東庫倫西南境之興安嶺北行三百

餘里起肯特山又東北為小肯特山

肯特為漠北羣山東至大海之祖山登山之巔則南

望北斗矣

肯特山東北麓東北行為大興安山連延不斷幾四千里抵外

丹泉海島錄

卷一下

三

興安嶺折而東南循黑龍江北岸東南行折而東北抵費雅哈
人等所居地又東抵海墻而伏穿海起庫葉島是為西北中外
接境之大幹山

四條大幹山皆起崑崙中左右開拓前行起伏奇特大勢由坤
而良抵海墻合抱而伏北自朝鮮而日本南自琉球而台灣其
山皆東陡峻而西平夷陡峻背也平夷面也東背西面內向中
國青烏家以為迴龍顧祖論神聖之區者以中國為赤縣神州
也中條大幹山與黃河根源膚合作勢竝行其相離或千餘里
而合則近在咫尺南北迴環會於東瀛是為河山兩戒云

中條大幹山自中岳嵩山以東抵祥符而伏為平地過蘭儀北
境穿淤黃河入山東界抵嘉祥東北又伏抵汶上而東起為東

省諸山蓋自宋以前河皆北流抵天津入海今由大清河入海
皆在泰山之北故知東省諸山其脉由中岳而來非臆度也
水者祖禹貢今本各家註說參之顧景范方輿紀要齊魯水
道提綱洪稚存府廳州縣圖志嚴中丞所刊
皇朝中外一統輿圖互為校錄縮如此卷

丹泉海島錄卷一下

卷一下

古



皇朝中外一統輿圖互為校錄縮如此卷
丹泉海島錄卷一下
古

丹泉海島錄卷二上

遂昌徐景福

世祖御極之五年時魏文毅公喬介官工部給事中上言少而

勤學古人比之日出之光竊恐年歲既盛嗜欲日開宜及時肇

舉經筵日講以隆治本八年二月

世祖親政文毅官吏垣又言深居高拱不如詢訪臣鄰批答詳

明不若親承顏色故事有朔望之朝有早晚朝內朝外朝今縱

不能如舊例當一月三朝以副勵精圖治至意自是定月逢五

視朝之制

世祖幸南苑別殿夜半閱明孝宗實錄有召對兵部尙書劉大

夏都御史戴珊事心喜曰朕所用何遽不若大夏珊明日宣梁

丹泉海島錄

卷二上

一

尙書清標及魏文毅詣行幄備顧問

世祖親政時魏敏果公象樞官刑科左給事中進

聖躬慎起居一疏畧言

聖政維新中外想望治平匪同昔日如

皇上近巡京畿輔臣當陪侍法從以效啟沃之忠儻遠有所幸

尤當諫止

鑿輿以盡保傅之職時辭涉輔臣人皆為公危乃疏入而

上嘉納之

順治十八年正月

聖祖御極因旱求直言新例流罪皆從烏喇沈文恪公荃謂烏

喇距蒙古三四千里地不毛極寒人罽凍輒斃罪不當死者不

應驅之死地乃獨爲疏上之有

詔令畫一文恪持前議益堅且曰臣此議行三日不雨者願伏欺罔之罪

聖祖改容納之越二日大雨盈尺新例竟罷

康熙辛未總兵官蔡元疏請脩築邊牆

上命閣臣集九卿面詢可否以聞羣臣未及對而大學士傅

上諭曰眾志成城豈在邊牆羣臣肅然曰真大哉王言也所請竟不准行

康熙中廷臣章奏有德邁二帝功過三王等語

上曰二帝三王豈朕所能邁且過哉羣臣以後不許如是陸清獻公嘗謹述其事

丹泉海島錄

卷二上

二

康熙中俄羅斯察漢汗遣使進貢

上曰外藩朝貢雖屬盛事然傳至後世未必不因此轉生事端總之中國安甯則外釁不作故當以培養元氣爲根本要務爾聖祖嘗幸索爾哈濟時塞上草青循覽山川阨要

聖心怡然有喇里達頭人進青翅蝴蝶一雙謂能捕鳥又彩鷓一架謂能擊虎者

上命侍衛毋納賞其人而還之

初回部噶爾丹叛擾我喀爾喀各盟部康熙三十六年

上御駕親征統大軍由獨石口出中路命黑龍江將軍薩卜素出東路撫遠大將軍費揚古等率陝甘兵出西路先遣使告虜六師親蒞竝以先所獲人偕往虜未之信曰中華

皇帝不於京城享安樂而涉此沙漠乎乃悉眾趨克魯倫河克魯倫河者起車臣汗部西界東北入黑龍江橫互瀚海東北二千里內外蒙古之界也

上統大軍至此方意其扼河相拒而河岸無一帳矣噶爾丹登河北納蘭山望見

御營黃幄龍纛環以幔城又外爲網城鮮明整肅乃大驚宵遁追之三日至拖諾山不見虜乃

命回鑾令內大臣等追之而西路費揚古兵已邀擊噶爾丹於昭莫多昭莫多者華言大樹林在肯特嶺南古漠北戰場也

上回蹕駐歸化城大饗士俘有老胡者善吹箎口辯通漢語上賜之潼酒使歌歌曰雪花如血灑戰袍奪取黃河爲馬槽滅

丹泉海島錄

卷二上

三

我名王兮虜我使歌我欲走兮無駱駝嗚呼黃河以北奈若何嗚呼北斗以南奈若何乃伏地謝

上大笑着大軍在拖諾山也舉足前進可使窮虜無遺種乃返旆安行俾收功臣下蓋軍容煌煌而

聖心穆穆意念深矣

聖祖嘗諭閣臣曰天下黎元皆朕赤子其中朕最憫念者有三等人一讀書寒士一饑寒窮民一無知犯法之人謹按古稱帝

堯用心哀孺子又哀婦人然則其仁如天基茲一念

聖祖嘗閱湯文正公所作王守仁論時文正官侍讀

上曰爾意云何對曰守仁致良知之說與朱子不相刺謬且稱

其直節豐功不獨理學

上首肯曰朕意亦如此
聖祖宸翰超越前古

萬幾之暇輒喜作書常以所臨米芾千字文

賜吳文端公而題其後曰吳琬寬厚和平持己清廉先任封疆
軍民受其實惠朝中之事面折廷爭必得其正朕甚重之故書
於後以紀其能得大臣之體當時廷臣以文端得此勝於史館

立傳云

康熙十二年春

上御講筵從容論講官欲得文學之臣朝夕置左右惟職經史
講誦給內廬以居之不令與外事其慎擇醇謹通達者以聞先
是講官曾舉編修桐城張英

丹泉海島錄

卷二上

四

上心識之至是再四諮詢對者無異詞遂有

內廷供奉之命

賜邸舍於瀛臺之西辰初而入戌既而退

上舊所御讀書處曰

南書房在

乾清宮之西南隅

命處其中飲膳給於大官執書使中涓紙筆之屬出自

御府珍果之屬撤自

御饌者日再至焉

上御乾清門聽政後則

召至懋勤殿辰巳前講經書午後講史率以爲常此

南書房供奉之始

康熙甲戌

上諭禮部取霸州廩生林佳廕充內官學漢文教習

上曰是教朕書林師之孫其家甚貧也是時佳廕始為諸生而

上御極已三十餘年

聖人不忘故舊之意無微不至矣

康熙初孫侍郎在豐官侍講學士

上嘗命講性相近也對曰性本聖愚一樣但此論義理之性若

氣質之性便不能一樣

上曰義理氣質有兩箇性乎對曰義理即在氣質之中是二者

實一也

丹泉海島錄

卷二上

五

上嘉賞之侍郎嘗言

聖祖勤學前古所無坐處環列皆書籍尤好性理五經四書所

坐室中顏曰敬天左曰以愛己之心愛人右曰以責人之心責

己皆

御筆自書書法直逼歐顏也

聖祖御試詞臣作理學真偽論納卷時羣臣奉

特諭曰理學無取空言如干成龍不言理學而服官至廉斯即

理學之真者也益于清端公

上嘗稱為古今第一廉吏云

康熙二十一年正月上元節

上賜宴諸大臣及詞臣講官於

乾清宮許羣臣咸至

御座旁觀鼇山燈

上賦柏梁體詩首唱云麗日和風被萬方羣臣各一句續成之

上爲親書命曰昇平嘉宴詩

聖祖御乾清宮講官張玉書進講畢

上問理學之名始於宋否對曰道理具在人心宋儒講辨特加詳耳

上曰日用常行無非此理自有理學名目彼此辨論言行不符者甚多終日講理學而所行全與所言背謬豈可謂之理學若口雖不講而行事脗合卽眞理學也

雍正三年四月吏部議原任檢討董玘乞終養應准所請俟親

丹泉海島錄

卷二上

六

終來京候補云云奉

旨爲八子無不欲父母常存今云親終候補人子聞之何以爲情似此不仁之語朕不忍聞著刪去具奏

雍正七年八月浙江撫臣奏進湖州民家萬蠶同織一幅長五尺八寸寬二尺三寸自然成就不由人工王大臣上表稱慶

上諭朕每遇休徵必加乾惕倘蒙

上天錫福黎庶衣食充盈乃朕心所謂祥瑞也

雍正十二年元旦立春恰遇甲寅年丙寅月戊寅日甲寅時瑞雪繽紛竟日盈尺考之古書最爲祥瑞王大臣上表稱賀

上御之
康熙十七年

詔舉博學宏詞十一月初一日奉

旨各大臣官員題舉才學諸人俟全到之日考試其中恐有貧寒難支者交與戶部酌量給與衣食用副朕求賢重文至意欽此戶部議酌給俸廩並柴炭銀兩次年己未二月初一日平明薦舉人員齊集

太和門以魚貫入

上御太和殿鴻臚寺唱行三跪九叩首禮畢

命赴體仁閣下大學士捧題出題二道璇璣玉衡賦省耕詩俱坐地作文已刻大學士傳

旨賜宴凡會試殿試館試狀元庶吉士俱不

賜宴此乃

丹泉海島錄

卷二上

七

皇上十分隆重之意宣訖

命赴體仁閣設高卓五十張每卓設四高倚光祿寺設饌十二色皆大椀高攢

賜茶二道時菓四色後用饅首紅綾餅粉湯等又

賜茶訖復就試陪宴者大學士掌院學士滿漢各二員皆南北向坐爲主席賓席皆東西向餘官不與

欽取一等二十人二等三十人已仕者照品級授講讀官坊編修等官未仕者均授檢討

雍正十一年四月奉

上諭國家聲教覃敷人文蔚起加恩科目樂育羣材彬彬乎盛矣惟博學宏詞之科所以待卓越淹通之士俾知黼黻皇猷潤

色鴻業膺著作之任備顧問之選

聖祖仁皇帝康熙十七年

特詔內外大臣薦舉博學宏儒召試授職一時名儒碩彥多與其選得人號爲極盛迄今數十年館閣詞林儲材雖廣而宏通博雅淹貫古今者未嘗廣爲搜羅以示鼓勵自古文教休明之日必有瑰奇大雅之材況蒙

聖祖仁皇帝六十餘年壽考作人之盛涵濡教澤薄海從風朕延覽維殷闢門籲俊端崇實學諭旨屢頒宜有品行端醇文材優贍枕經蒞史殫見洽聞足稱博學宏詞之選所當特修曠典嘉與旁求除現在翰詹官員無庸再膺薦舉外其他已仕未仕之人在京滿漢三品以上各舉所知彙送內閣在外著督撫會
丹泉海島錄 卷二上 八

雍正十三年二月奉

上諭朕合薦舉博學宏詞以廣育才之典爲督撫者自應秉公採訪加意蒐羅以副朕愛惜人才至意乃降旨已及兩年而外省之奏薦者寥寥無幾以江浙兩省人才眾多之地至今未見題達此非人才之不足應選乃督撫等奉行不力之故也大凡薦舉之典臣工得行其私者往往踴躍從事爭先恐後若不能行其私則觀望遲回任意延緩其迹似乎慎重周詳其實視公事如膜外也凡督撫學臣之所考取者不過就耳目見聞之所

及彼伏處巖阿學問淹雅素有抱負之士未必肯以文章筆墨求售於有司以倖邀一日之遇合是在督撫學臣留心訪察加意旁求屏虛名而崇實學以佐國家右文之治如李衛吳應棻合舉二人吳應棻又獨舉二人就中則有宣化府進士夫以宣化北邊一郡尚有可舉之人何況各省內地之大可見李衛吳應棻乃實心爲國家留意人材者著再通行宣諭無論已奏未奏之省俱著再行遴選倘因朕此旨而遂冒濫以行其私亦難逃朕之鑒察若果有才華出眾而與例不符者著具摺陳奏候朕降旨其在京三品以上之大臣均有薦舉之責將此一併曉諭知之欽此

雍正十三年十一月奉

丹泉海島錄

卷二上

九

上諭國家久道化成人文蔚起

皇考樂育人才

特降諭旨令直省督撫及在朝大臣各保舉博學宏詞以備著作之選乃直省奉

詔已及二年而所舉人數寥寥朕思天下之大人材之眾豈無足膺是舉者一則各懷慎重觀望之心一則鑒衡之明似乎在己之學問或已實空疎難以物色流品此所以遲回而不能決也然際此盛典安可久稽朕用再爲申諭凡在內大臣及各省督撫務宜悉心延訪速行保薦定於一年之內齊集京師候旨廷試倘直省中實無可舉亦卽具本題覆欽此

乾隆元年丙辰九月

召試薦舉博學宏詞二百十人於保和殿後

欽命試題策問二道五六天地之中合賦山雞舞鏡七言排律黃鍾為萬事根本論

上臨軒親試取一等五人二等十人次年補試臨場未到並續薦二十六人

欽命試題策問二道指佞草賦良玉比君子七言排律復見天心論欽取一名二等三名是科取數較少其名次氏籍並詳嘉興李氏鶴徵錄

順治乙未冬召日講官五人進講王文靖公熙講尚書堯典稱

旨奉

丹泉海島錄 卷二上

十

諭嗣後講官不必立講遂侍坐其後講官因得侍坐自文靖始康熙中湯文正公官禮部尚書管詹事府事進講東宮首陳大學財聚民散之義講畢東宮入侍

上問所肄具以對

上曰此列國分疆時語也若海內一統民散將安之試詢之公具陳秦隋土崩且言一統而民散禍更烈於分國時

上聞深諒其忠

雍正中修四書講義至羔裘元冠不以弔為

聖祖諱時葉文敏公方謫官翰林學士商之同僚均未以對

翰林典簿穆維乾對曰大字當仍原字以尊經小註改元字以避諱文敏問何所本維乾曰中庸愼獨乃原字小註改謹字文

敏大悟曰余自幼疑此始知朱子爲避諱也深加敬禮人以文
敏虛衷而穆典確云

聖祖命李文貞公纂修朱子全書周易折中性理精義律呂韻
學諸書文貞自言晚年學問始進得力於

聖訓居多

國初以來

上御經筵多在

或兩資嚴尚書講學士

文華殿每講官兩人同講經史或一節或一章訖又講官兩人
進講如前講畢

賜宴太和門講書前一日詞臣先撰講義進呈其或詞義未妥
往往奉

丹泉海島錄

卷二上

十一

諭指詰涉語錄氣則陳腐涉考據禮則聚訟大要清新雅馴而
歸於引君當道之義乾隆中陳太僕兆崙官檢討時與同館撰
進講義

高宗每覽兆崙所作甚加咨賞俄遷右中允以
御試詞賦優異超兩資遷侍讀學士

聖賜錄

聖祖命李文貞公纂修朱子全書周易折中

性理精義律呂韻學諸書文貞自言晚年學問始進得力於

聖訓居多

丹泉海島錄卷二上

丹泉海島錄卷二中

遂昌徐景福

太宗嘗與羣臣論兵事爲將者當以呂尙爲法忠勇公石廷柱對曰呂尙能專制閫外生殺故所向有功今臣等若有過下所司逮訊雖佐領以下亦當與之比肩對簿其何以堪大臣以其言過戇請議處

上特有之

魏文毅公官左都御史時

世祖嘗召至中和殿諭之曰朕擢用卿非有人薦達也公稽首謝曰臣敢不竭孤忠以報知遇

上嘗稱唐太宗英主對曰晚年無魏徵苦諫遂窮兵高麗至貽

丹泉海島錄

卷二中

一

後悔矣

上頷之

湯文正公旣官參議康熙己未舉宏博

召試授侍講遵錄平日詩文進呈

上閱詩至末首有年老才將盡憂多道轉親之句

上凝思良久曰何謂憂多道轉親對曰臣遭亂離半生在憂患中常隨事體認於道轉覺親切詩詞朴拙不勝惶恐

上霽顏從容顧問甚詳

康熙十七年魏敏果公官左都御史未幾遷刑部尙書上言臣幸忝司風紀職多未盡敢援漢臣汲黯自請爲郎故事乞辭新命而領現職

上鑒其無欺乃加刑部尚書銜仍留原任是日地連震

上晝夜坐武帳中公直入奏曰地臣道也臣失職則地反常臣不能肅風紀以修職業請先罪臣以回天變

上召公入公伏地涕泣請屏左右語移時極言天變若此乃索額圖明珠二相植黨市權排忠良引用僉壬股削民生之應上深鑒其誠

吳文僖公 正治 康熙中官武英殿大學士

上閱朝審冊有以刃刺入股而抵法者

上曰刺股尚非致命傷此可寬也公曰當念死者之無辜

上曰朕非欲赦之當可議緩決耳他日又閱冊有囚當死

上問此囚尚可活否眾皆以情實對公對曰

丹泉海島錄

卷二中

二

皇上好生之德臣等敢不奉行退而細檢果得可矜狀於是竟從末減

聖皇哀矜庶獄而文僖所對深得大臣之體矣

高文恪公

士奇

康熙初官詹事直

南書房攜金荳滿荷囊

上方閱某書近侍以告則酬一金荳卽抽某書翻閱偶

天語垂問能對大意

上益嘉賞歸第則客候之者門巷皆滿其後或譖之謂士奇襍被入都今但問其家貲可得賄狀一日

上問之文恪以實對曰督撫諸臣以臣蒙

主眷故有餽遺絲毫皆

恩遇中來也

上笑頷之

聖祖嘗御宮門召九卿舉廉吏陳文貞公

廷敬

方掌御史臺自

念班六卿下當以次對六卿有言他守令廉者語未竟

聖祖問公廉者果爲誰公對曰知縣陸隴其邵嗣堯皆天下清

官雖治狀不同其廉則一也於是兩公皆擢御史

葉文敏公以掌院學士直

南書房

聖祖嘗問知行孰重公對曰宋臣朱熹之說以次序言則知先而行後以功夫言則知輕而行重

聖祖曰畢竟行重若不能行則知亦空知耳

丹泉滄島錄

卷二中

三

宋牧仲尙書

舉

巡撫江蘇時

聖祖再南巡嘉公居官安靜深得大臣之體公面奏曰昔宋臣范成大蒙宋孝宗賜石湖二字後世傳爲美談在孝宗不過南渡偏安之主我

皇上乃堯舜之君相去霄壤臣功業雖不及成大然遭逢之盛

自謂過之臣家有別業在城西陂乞

賜書西陂二字

上頷之時諸臣競進求書公奏曰臣老矣以齒當先

賜臣

上大笑走筆書西陂二大字

賜焉

康熙癸丑科韓文懿公萊會試殿試皆第一撤闈後

上取墨卷覽之稱主司得人是年冬

召至起居注館作太極圖說

命將平日窗稿進呈遂以刻本五十篇進

召至宏德殿講大學畢

上問平日所作必尙多時館師學士熊賜履代奏曰尙有三十
三篇以題目小不敢進呈

上曰不妨都進來其三篇卽鄉試墨卷以時文受

主知自有制藝來惟公僅見之姜西溟宸英工古文布衣時

聖祖卽知其名屢試不售以薦入史館修明史分撰一統志月
給俸錢衣儒生衣雜坐公卿之次丁丑會試中式殿試進呈卷

丹泉海島錄

卷二中

四

在二甲第四

上問有浙江姜宸英乎文懿時官內閣學士對曰宸英在史館
識其字蹟第七卷當是

上曰老名士也積學能文至老尤篤可拔至一甲第三名爲天
下讀書人勸

李文貞公嘗薦滿洲徐元夢及德格勒公賢

聖祖召見講論經義會天久不雨

上命德公筮卦遇夬問其占進曰澤上於天將降矣而卦義五
陽決一陰小人居鼎軸故天屯其膏決去之卽雨

上愕然曰安有是德公遂以明珠對徐元夢字彘園姓舒穆祿
氏舒與徐滿音畧同而字

義亦近當時
稱彘園徐公

毛西河先生奇齡 試宏博時馮文毅公博 辟館相待

聖祖方幸霸州攜諸卷親覽翼日下三相國公閱

上忽問媯皇補天事信乎蓋先生卷中有此語也眾未對馮公奏淮南子有之

上曰徒記事邪則楚辭列子早及之何止淮南第未知傳信何如耳馮公復對曰賦主鋪張古籍宜可用於是先生列上卷授檢討纂修明史

張文貞公康熙中扈

駕南巡御舟次高資港公奏曰前去京江不遠臣之敝廬在焉苦城中無駐蹕之地輿情雖切未敢恭迎

御輦入城請

丹泉海島錄

卷二中

五

行幸江天寺留駐數日與親臨鐵甕城無異也得

旨張玉書懇求諳切姑再留一日

雍正初史文靖公

貽直

官侍郎時適窮治年羹堯黨與公與年

本同年也

世宗問曰汝亦羹堯所薦乎公免冠對曰薦臣者羹堯用臣者皇上也

上頷之乾隆中公再入政府嘗奏事拜起舒遲

高宗問曰卿老憊乎公曰

皇上到臣年自知之

上大笑時年八十一矣先是舉經學時公薦山陰胡天游協辦阿克敦公暨劉文正公均薦之貴官有忌之者以蜚語上聞

上問今年經學中胡天游何如人也眾未對

上又曰得毋奔競耶公對曰以臣所聞其人太剛太自愛耳
上默然罷

河督顧璩文端公顧八代之孫也剛正孤寡有顧鐵牛之稱嘗
入朝適天旱多風

世宗有憂勤之言公徐曰洪範云曰蒙恆風若今風色過厲臣
慮朝臣有蒙蔽君父者

上爲之動容嘗出爲河南觀風正俗使適有密奏豫省荒歉者
上命山東運米十萬石賑之而總督田文鏡諱災謂歲熟民無
需米仍令運回公爭之而斥田粉飾太平田滋不悅密奏公氣
凌其上意滅其下

丹泉海島錄

卷二

六

上以問公公曰臣爲欽差與督撫平交無所爲上也地方吏皆
屬督撫無所爲下也旣無上下何凌滅之有

世宗笑曰奏喇者田文鏡也毋乃爲爭米事伎汝乎

雍正癸丑科閱卷大臣將策十卷進呈

上閱至第五本策內云僚采之際善則相勸過則相規無詐無
虞必誠必信則同官一體也內外亦一體也文武亦一體也廣
而至於百職庶司何莫非臂指手足之相關此則純臣之居心
庶不負千載一時之遭逢贊襄太和之上理數語頗爲懇摯因

拔至一甲三名及拆號乃大學士張文和公

廷玉

之子若霽

上意深悅遣人往諭公公再三懇辭且求面奏曰天下人材眾
多莫不想望鼎甲臣蒙

聖恩現居政府而子若霽登一甲三名占寒士之先於心實有不安倘蒙

皇上天恩名列二甲已爲榮幸之極

上曰汝家忠盡積德有此佳子弟中一鼎甲亦人所共服何必遜讓公復跪奏曰

皇上至公諸臣亦無私曲只算臣情願讓與天下寒士求

皇上憐臣愚衷若

君恩祖德佑庇臣子留其福分以爲將來上進之階更爲美事上乃從所請改若霽爲二甲一名時以爲科名美談而文和面君之言可爲誠懇

顧祭酒棟高康熙辛丑進士以中書謝職歸田乾隆辛未以經

丹泉海島錄

卷二中

七

學徵

召見之日

上問曰治道今宜何者當先對曰宜以儉德示天下

上深納之

高宗時西疆新定戶部奏直省州縣庫款多闕

上怒欲盡罷州縣不職者而以筆帖式等官代之

召劉文正諭意曰茲事朕思之三日矣公默不言

上詰之公曰

聖聰思之三日臣昏髦不敢遽對容臣退而熟思之翼日入對頓首曰州縣治百姓者也當使身爲百姓者爲之語未竟

上霽顏曰然事遂寢

齊息園先生

召南

官禮部侍郎初甯古塔嘗得古鏡朝臣未有

知者先生獨具悉原委按款口奏之

高宗大悅當時謂竇儀對宮人乾德之鏡末之過也沈文懋公

德潛

直上書房時嘗因奏言天台石梁之奇

上以詢先生對曰荒山礪礪不足以勞六飛也廷臣笑其奏對

未免率易而

上以此益嘉其朴誠

任鈞臺先生

翼聖

雍正元年舉鄉試十一年舉經學會中禮部

試授檢討入直上書房侍

高宗及和親王學一日

世宗問及內典對曰臣未之學也

丹泉海島錄

卷二中

八

上曰朕知卿非堯舜之道不陳耳自是益重之

紀文達公

昉

性坦易喜滑稽而名言層出嘉慶初實錄館請議

敘或言其過優

仁宗以問公公不言可否而對曰臣服官數十年無敢以苞苴

進者惟戚友倩臣爲其先人題主或銘墓雖厚幣輒受之矣

上欣然曰然則朕爲

先帝推恩何不可之有先是考試差後有宣布前列詩句姓名

者臺臣密以告

高宗召公問之公頓首曰如臣卽洩漏者問何故曰書生習氣

見佳作必吟哦或記誦其句出而欲訪爲何人手筆則遂不免

於洩漏矣

上含笑遂寢其事公乾隆十二年領順天鄉試解額十九年成進士入翰林有同年分部曹者戲之曰今都人士謂御史爲老鴉何耶公曰以其鳴則不祥然必見不祥之幾而一鳴焉於老鴉何尤曰然則都中又謂翰林爲駱駝夫非以其腫背昂首高視而闊步乎公曰誠似矣然任重而道遠終必賴之同年曰兄陳亞之流也

畢尙書

沅

乾隆癸酉舉順天鄉試授內閣中書入直軍機期滿

當出友人諸

重光

屬公代直未及答而諸去公夜坐無事適陝

督黃文襄

廷柱

疏至言新疆屯田事遂熟復之後數日廷對策

問屯田事條對獨精核進呈擬第四

上改第一而諸居其次公嘗侍

丹泉海島錄

卷二中

九

高宗親耕亦係代友直班是日

上問曰布穀戴勝是二是一公對曰布穀卽戴勝也

上稱善後語大臣朕曾於籍田中簡拔一人卽指此也

聖明無處不留意人才而公亦謂生平得力在肯爲人任事云

乾隆二十六年殿試前將軍兆惠新疆奏凱歸亦奉派閱卷乃

自陳曰臣不習漢文

上曰諸臣各有圈爲記但圈多者卽佳時閱卷九人將軍見一

卷八人皆圈亦加一圈遂以第一進呈是科先拆彌封第一則

則軍機中書趙甌北

翼

也第二胡豫堂

高望

第三王文端

杰

上問曰本朝陝西曾有狀元否皆對曰前明時只有康海本朝

則尙未有也

上因以第三與第一互易焉先是庚辰狀元爲畢尙書

沅次諸

君重光

皆軍機中書忌者曰歷科鼎甲皆爲軍機占去語頗

上聞比甌北應試文正文定兩劉公又以軍機大臣充讀卷官甌北慮其以嫌填也乃變書法作歐陽率更體旣首選文定猶復疑之文正笑曰趙君書向非率更體吾能辨之此必非也旣揭曉乃歎曰能者固不可測耶

稽文恭公

璜

乾隆五十年舉行千叟宴時爲漢大臣領班公與

上同庚八十生辰本在六月口奏臣不敢先君擬改期於

萬壽後

上曰知禮因代定八月十九日

遣侍衛爲之稱觴時以爲盛遇云

丹泉海島錄

卷二中

十

吳宮保

熊光

嘉慶六年官湖廣總督九年調直隸初入覲

上謂曰教匪淨盡天下自此太平矣公對曰督撫率郡縣加意撫循堯鎮率將弁加意訓練使百姓有恩可懷有威可畏太平自不難致若稍形鬆懈則伏戎於莽矣起所謂舟中皆敵國可勝防哉十年

仁宗東巡奉天恭謁

不可勝舉

三陵回蹕駐夷齊廟公與戴文端董文恭同

召見

上曰此行有言道路崎嶇風景畧無可觀者今則道路甚平治風景絕佳人言可盡信哉公越次對曰此非讀書人語也

皇上此行欲面稽

太祖

太宗創業艱難之迹以為萬世子孫法豈宜問道路風景耶

上曰卿蘇州人朕少屢

蹕過蘇州風景誠無匹矣公曰

皇上前所見翦綵為花一望之頃耳蘇州城外唯虎阜稱名勝

實則一墳堆之大者城中街悉臨河河道仄逼糞船全集午後

輒臭不可耐何足言風景

上曰如卿言

皇考何為六度至彼耶公叩頭曰臣從前侍

皇上謁

太上皇帝蒙

丹泉海島錄

卷上中

士

諭曰朕臨御天下六十年竝無失德唯六次南巡勞民傷財實

為作無益害有益將來皇帝如南巡汝不阻止汝係朕特簡之

大臣必無以對朕

仁聖之所悔言猶在耳

皇上宜謹佩勿謬

上頷之同列皆為擣舌文端出以語人且曰論語言勿欺而犯

史記言引大體慷慨吳公殆近之矣人有以文端所稱述問公

者公笑曰墳堆糞船兩節乃乾隆初故相訥公奉差江浙查道

覆奏之言老夫重述之耳時以漢廷汲黯稱鷺直如吳宮保者

未遑多讓也

康熙中宋文恪公

德宜

官左都御史時遯方未靖

聖祖宵旰憂勤

天顏視昔清滅公奏曰宋儒有言帝王之學與儒生異伏願
皇上於紬繹羣書時畧方名象數之繁祛月露風雲之豔擇其

有關政治裨益身心者乃講習而討論之稍節耳目之勞用保

中和之德

上嘉納焉 是卷均錄面
聖之言古者入朝手勞思對命三者書焉今制不用
笏當叩謝時或須免冠咫尺天顏而詞頗體要又
或片語解紛遂回天聽取辦於俄頃之間難已

丹泉海島錄卷二
中

卷一中



天... 聖... 臣... 奏... 曰... 宋... 儒... 有... 言... 帝... 王... 之... 學... 與... 儒... 生... 異... 伏... 願... 皇... 上... 於... 紬... 繹... 羣... 書... 時... 畧... 方... 名... 象... 數... 之... 繁... 祛... 月... 露... 風... 雲... 之... 豔... 擇... 其... 有... 關... 政... 治... 裨... 益... 心... 身... 者... 乃... 講... 習... 而... 討... 論... 之... 稍... 節... 耳... 目... 之... 勞... 用... 保... 中... 和... 之... 德... 上... 嘉... 納... 焉... 聖... 之... 言... 古... 者... 入... 朝... 手... 勞... 思... 對... 命... 三... 者... 書... 焉... 今... 制... 不... 用... 笏... 當... 叩... 謝... 時... 或... 須... 免... 冠... 咫... 尺... 天... 顏... 而... 詞... 頗... 體... 要... 又... 或... 片... 語... 解... 紛... 遂... 回... 天... 聽... 取... 辦... 於... 俄... 頃... 之... 間... 難... 已

... 奏曰宋儒有言帝王之學與儒生異伏願
皇上於紬繹羣書時畧方名象數之繁祛月露風雲之豔擇其
有關政治裨益身心者乃講習而討論之稍節耳目之勞用保
中和之德

丹泉海島錄卷二下

先正有言望白駒青者一時之計也築基樹臬者千年之計也

本朝三京始

興京本漢元菟郡南北朝至隋為高句驪地唐屬安東都護遼金時為東京東界明初置建州衛

肇祖作都為發祥之地順治五年尊為

興京

盛京古幽州地肅慎之西南朝鮮之西北戰國屬燕漢為遼東郡南北朝至隋屬高句驪唐總章初平高驪置都督府遼金時

丹泉海島錄

卷二下

為東京元初為東京總管府後改行中書省所統七路明初置遼東都指揮使司分設二十五衛永樂中復置安樂自在二州外衛一百八十四所二十以山海關內逮燕京全遼諸郡縣皆廢我

太祖天命七年建東京於遼陽十年自東京遷於瀋陽天聰五年尊為

盛京

明永樂元年建北京改北平府為順天府十九年始稱京師我世祖入關因明之舊定鼎為京師億萬年之基也

康熙三年分湖廣設湖北湖南兩布政使司六年分陝西設甘肅布政使乾隆二十五年分江南為江蘇安徽於是行省十有

入而江淮揚徐海通等處蘇松常鎮太倉等處並設藩司是爲
十九布政使司行省十八而

盛京吉林黑龍江亦稱東三省云元立行中書省明改爲布政使司而猶沿其稱曰省洪雅

存魏默深頗皆置耕然本朝因之卽爲掌故也

京城周四十里高三丈五尺五寸門九南曰正陽南左曰崇文
南右曰宣武北之東曰安定北之西曰德勝東之北曰東直南
曰朝陽西之北曰西直南曰阜城外城周京城南面轉抱東西
角樓計長二十八里高二丈門七南曰永定曰左安曰右安東
曰廣渠西曰廣甯在東西隅而北向者曰東便曰西便

皇城在京城周十八里繚以紅牆三千二百二十五丈有奇

門六正南曰大清少北曰長安左長安右東曰東安西曰西安

丹泉海島錄

卷二下

二

正北曰地安自大清門而內曰天安門天安內曰端門端門內
左曰闕左門右曰闕右門

紫禁城在皇城中周六里繚以紅牆一千七十八丈有奇南曰

午門左曰左掖門右曰右掖門午門內爲太和門左曰昭德門

右曰貞度門東曰協和門西曰熙和門太和門內爲

太和殿殿前東爲體仁閣西爲宏義閣體仁閣之北曰左翼門

宏義閣之北曰右翼門

太和殿北爲

中和殿北爲

保和殿殿左有中左門後左門右有中右門後右門殿後爲乾

清門左曰內左門右曰內右門其東曰景運門西曰隆宗門景

運門之東爲

奉先殿乾清西角門內西爲月華門又南而西正北爲

養心殿自協和門出爲東華門自熙和門出爲西華門城之正北曰神武門文華殿在東華門內武英殿在西華門內南薰殿在武英殿南

太和殿丹陛下東設紫金龜一大合抱西紫金鶴一高五尺許乾清門階下東西設黃金獅高丈餘金缸四高齊額滿注清水款泐乾隆年造

養心門前院種柏樹上多鵲巢仰手可接同治十年五月初二日引見新進士由翰林院官領班是日

上在養心殿午膳余與同班立柏下恭俟頭上喜鵲噪人想見丹泉海島錄

卷二下

三

聖人以茂對時育萬物氣象宛然時以端午節自

乾清門內階下至

養心門前院墻腳行列瓦盆種菖蒲新艾鬱鬱蔥蔥皆成佳氣皇城內太液池南爲瀛臺本明之西苑也舊曰南臺後

賜名瀛臺

暢春園在西直門外十二里地名海淀靜明園在西直門外玉泉山下圓明園在暢春園北西湖卽昆明湖在玉泉山下南海子在永定門外二十里卽奉宸苑

圓明園門外列種柏樹外爲南湖圓明園門之內曰出入賢良門內爲

正大光明殿丹陛下東西稍階前石溝水自西湖來近溝設銅

龍長二丈許東西各一

咸豐九年二月二十五日
武殿上覆試順天戊午舉人余與各省後

到者並入試是日

欽命四書題夫何遠之有詩題賦得支離鼓策得齊字題用梅
紅箋寫監試大臣捧出黏殿柱上
賜紅綾餠餠好子茶如朝考殿試

避暑山莊在熱河之西承德府之北承德府治東北至木蘭圍
場三百餘里正北至圍場二百二十里木蘭本蒙古地康熙中
近邊蒙古獻出以供

御駕秋獮者乾隆中趙甌北以軍機章京扈從熱河紀其盛云
上每歲行獮非特使旗兵肄武習勞實以駕馭諸蒙古使之畏
威懷德弭首帖服而不敢生心也

上至熱河近邊諸蒙古王公例來迎謁每行圍質明趨事其王
公侍

丹泉海島錄

卷二下

四

上左右聽指揮惟謹停圍時

上賜宴諸王公十餘圍後諸王公必諏吉進宴

上親臨之其宴設大蒙古包

即大瓊
帳之名

作正殿旁列四蒙古包以

款隨駕之王公大臣奏樂多彈絲極可聽又陳布庫詐馬諸戲
以供

睿賞不特上下情相浹且馴而習之於驅策之中意至深遠也
又喀爾喀四大部地最遠每行圍則以一部來覲歲歲出塞其
部須四年一覲間歲一出其入覲須八年矣此又馭喀爾喀之
長計也

國初有內三院一國史院二祕書院三宏文院各設大學士一
員學士一員順治十五年九月改內三院爲殿閣一中和殿二

保和殿三文華殿四武英殿五文淵閣六內閣十六年初以覺羅巴納哈爲中和殿大學士額色黑爲保和殿大學士蔣赫德爲文華殿大學士洪承疇爲武英殿大學士文淵閣內閣未補人裁三院學士官另設翰林院掌院學士一員以折庫納爲之十八年七月復改殿閣爲內三院康熙九年復改內三院爲殿閣復設翰林院

國初承前明舊制機務出納悉由內閣其軍事付議政王大臣議奏康熙中

諭旨或有令南書房翰林撰擬機事仍屬內閣雍正初用兵西北陲以內閣在太和門外乃設軍需房於隆宗門內選內閣中書之勤謹者入直繕寫後遂名軍機處地近宮庭便於宣召爲丹泉海島錄

卷二下

五

機大臣承

旨出政皆在於此先是擬

旨皆軍機大臣事其後屬草聽司員代擬相沿日久遂爲軍機司員之專職自乾隆以來凡部院司員之能事者皆得與考選以次當差

軍機處有

廷寄

諭旨凡機事不便發抄者則軍機大臣面承後撰擬進呈發出卽封入紙函用辦理軍機處銀印鈐之交兵部加封發驛馳遞其遲速由司員判明於函外曰馬上飛遞者日行不過二百里

有緊急另判日行里數或四五百里或六百里或六百里加緊
機事之密且速爲前代所未有

乾隆中和坤爲軍機大臣與文成公阿桂等不和錢南園先生

禮時官御史上疏曰臣伏觀我

朝設立軍機處向來大臣與其職者入皆萃止其中用以集思
廣益仰贊

高深地一則勢無所分居同則情可共見卽屬僚白事署稿亦
得有定所法至善也乃近日惟大學士阿桂一人每日入止軍
機處大學士和坤或入止於內右門內舊直廬或入止於隆宗
門外近造辦之廬大學士王杰尙書董誥則入止於南書房尙
書福長安則止於造辦處每日僅

丹泉海島錄

卷二下

召見時聯行而入退卽各還所處雖亦有時暫至軍機處而事
過輒起屬官白事署稿未免趨走多歧以

皇上乾行之健離照之明大小臣工戴德懷刑決不至因此遂
啟角立朋黨之漸然行之萬世而無弊莫過於率由舊章蓋自
世宗憲皇帝以來及

皇上御極之久軍機大臣萃止無渙未嘗纖芥有他由前可以
律後不應聽其輕更況內右門切近

禁寢向來因有養心殿帶領引見之事須先一二刻豫備

恩加大臣不令與各官露立是以設廬許得暫止不應於未辨
色之先一大臣入止而軍機司員皆隨之爲日旣久不能不與
內監狎熟萬一有無知如從前高雲從者雖立正刑辟所絀已

多杜漸宜早至南書房原備

幾暇顧問俟軍機事畢後入直未遲何必遽入於未辨色之先致諸弗便若隆宗門外直廬及造辦處則應差人眾皆得覘聽於外大臣於中辦事亦屬過褻敢請

敕諸臣仍照舊規同止軍機處庶匪懈之忱各申五夜協恭之雅共勵一堂至圓明園辦事亦同一體近日和珅福長安止於如意門外直廬王杰董誥止於南書房竝請

敕改正疏入

上禮之降

詔飭責而南園奉

命稽查軍機處

丹泉海島錄

卷二下

七

世宗嘗諭廷臣曰朕在養心殿辦理政事每遇暑天未有如此殿之涼者朕曾蒙

聖祖慈訓戒急用忍故殿中匾額卽用此四字仍敬書

上諭二字於上東暖閣匾額取惟仁二字對聯云諸惡不忍作眾善必樂爲西暖閣匾額取爲君難三字對聯云原以一人治天下不以天下奉一人時廷臣以對聯卽武王丹書敬勝怠者吉其義一也

乾隆九年重修翰林院落成

聖駕臨幸

賜宴賦詩燕次中和清樂奏玉署延英之曲令伶人演唐沈佺期宋之間昆明賦詩故事更仿柏梁體聯句因

諭大學士掌院諸大臣曰致治當崇實政為學當務躬行勿專
尚文詞我君臣所宜其勉也

乾隆三十年

頒禮器於國子監犧尊一雷文壺一子爵一內言卣一康侯鼎
一明簋一雷紋觚一召仲簋一素洗一犧首壘一皆周時法物
陳設於

大成殿庭

宮殿門對聯向例由翰林撰次交工部每至封印後工部堂官
率屬敬謹懸挂新春開印後收而謹藏之歲以為常其鈔舊者
隨時更換曹習菴 仁虎 集中載官侍講學士時所撰如

皇極左門

九重敷斂範陳箕曼美蕃釐共錫
萬國會歸光戴斗蕩平軌路同遵

丹泉海島錄

卷二下

八

右門

洛籌福紀慶延洪象協居中建五
乾箴祥祥徵順敘功偉則大

歛禧門

輝駢寶券晉雲間推策純常集祐
慶衍瑶籌贏瀛屋闡珍昌煥延視

左門

重霄日月燭升恆景運祥開久照
入表山川徵樂壽昌期福集新韶

右門

化表照皞驗風從治比春葦夏育
祥迓熾昌昭德致符呈乾絡坤維

錫慶門

三千界重熙治祥和與物同春
億萬齡錫羨延洪保定自天孔固

左門

六幕景象射恆春釗砌環迎戲福
珠囊晷緯召休徵福界恆臨太乙

右門

玉燭年華彰瑞應昌辰化溥由庚
川岳獻珍符烟調九萬瑤樞星昭景軌

影壁門

玉瑤奏誠和氣調九萬瑤樞星昭景軌
得氣仙萸長應月呈祥翠蕙竝迎風

茶膳房

千秋露實熟蟠桃湛露凝甘盈甕
液酌衢尊同介景

調諧斷管編軍情

各聯炳若綉亦詞林程式東坡集載皇帝閣太皇太后閣皇

太后閣夫人閣春帖子端午帖子詞亦今對聯例也在東坡集中殊非佳作然大家於應奉文字斂成就範亦祇求平穩矣

陸朗夫中丞鹵簿名物記文如韓柳記體亦掌故之資也中間曰按鹵簿之別有曰大駕者郊祀用之曰法駕者朝會用之曰鸞駕者歲時出入用之曰騎駕者行幸所至用之大駕最爲備物尊天祖也法駕稍損其數文物聲明取足昭德而止鸞與騎又加損焉事非特典不敢同於所尊貴也凡爲蓋者五十有四九龍而曲柄者四色俱黃翠華紫芝兩蓋奉之九龍而直柄者二十色亦黃以次序立花卉而分五色者十九龍而分五色者亦十色各二其立不以次而以相間純紫與赤而方蓋八爲扇者七十二壽字者八黃而雙龍者十六赤而雙龍者八黃與赤

丹泉海鳥錄

卷二下

九

單龍者各八孔雀雉尾及鸞鳳文而赤且方者又各八幢之屬十有六長壽也紫也霓也羽葆也各四旛之屬十有六信旛也絳引也豹尾也龍首竿也亦各四曰教孝表節曰明刑弼教曰行慶施惠曰褒功懷遠曰振武曰敷文曰納言曰旌善八者各爲一偶凡旌之屬亦十有六有四金節四儀鎗鑿四黃麾而繼之以八旂大纛二十四羽林大纛前鋒大纛共十六五色鎔金龍纛四十四凡爲纛者八十旂取諸祥禽者儀鳳翔鸞仙鶴孔雀黃鵠白雉赤烏華蟲振鷺鳴鳶取諸靈獸者游麀彩獅白澤角端赤熊黃熊辟邪犀牛天馬天鹿取諸四神者四取諸四瀆五嶽者九取諸五星二十八宿者二十三取諸甘雨者四取諸八風者八取諸五雷五雲者十取諸日月者各一其外有門旂八

金鼓旂二翠華旂二五色銷金小旂各四出警入蹕旂各一旂之數共百二十四爲金鉞爲星爲臥瓜爲立瓜爲吾仗爲御仗各十有六又六人持仗而前導曰引仗自蓋至引仗其名一十有七紅鐙六二鐙之下鼓二十四金二仗鼓四板四橫笛十二又二鐙之下鼓二十四畫角二十四又二鐙之下鉦四大小銅角各十六自紅鐙至銅角其名十午門之內有金輦玉輦焉午門之外有五輅五寶象焉天安門之外則又有四朝象焉朝象雖非朝期率每晨一至引仗以上在太和門內銅角以上在端門內其最近

御座者有拂塵有金爐有香盒數各二沐盆唾盂大小金瓶金椅金杙數各一執大刀者執弓矢者執豹尾槍者每事各三十

丹泉海鳥錄

卷二下

十

人其立亦不以次而以相間荷戈戟者各四人侍殿前執曲柄黃蓋者一人殿下花蓋之間執靜鞭者四人自黃龍以下諸蓋之間仗馬十掌騎者十人殿之下陛之上執戲音麾竹者二人計鹵簿所需幾八百人

本朝大考殿試朝考及鄉會補覆試均在

殿門內光祿寺供餅茶而入選者引

見常於

養心殿若宏博之科登進布衣

親試而優禮之書教育才遠邁前古蘇子由以爲至京師仰觀天子宮闕之壯與倉廩府庫城池苑囿之富且大也而後知天下之巨麗其亦激發志氣之一也余德水金記瀛臺宴云凡

賜宴瀛臺常在暑節每趁早涼入西苑門大柳星稀高槐露下
宮牆綠岸間旅進徐行菰蒲四面水禽啁哳與江南水鄉無異
暨渡板橋則荷香襲衣牖流到耳宛聽箏筑然後復從內苑墻
入小紅門剗然大湖有紅板長橋橫跨水面橋夾朱欄欄外雜
列魚簪凡朝官渡橋者俱許扳簪得魚多寡攜歸邸舍於是迤
邐達瀛臺門惟

賜宴時則

詔從牖口北上直西浮道通梁中有層亭兩面帳房排列宛如
號舍

上命登舟泛太液池羣臣從過船亭登舟芰荷十里望如蕃錦
北面望金色搖曳則別一境地矣李石臺來泰應制詩紅橋循

丹泉海島錄

卷二下

十一

蟻渡綠樹貫魚歸蓋紀實也

丹泉海島錄卷二下

